



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniae Agrippinae, 1707**

Caput. II. De juramento.

**urn:nbn:de:hbz:466:1-42515**

sapientissimus : est tamen reprehendendum  
tale dictum tanquam pessimè sonans.

255 Q. 62. *An peccet, qui ebrium vel stultum vel pa-  
rum rationis usū non utentem inducit ad blasphem-  
andum?* R. Affirmat Caramuel in Th. Int. L. 2. c. 1.  
n. 1053, quamvis enim non peccet proferens defecū  
libertatis, tamen blasphemia, quæ est res intrinsecè  
mala, utpote inhonoratio Dei, imputatur illi,  
qui liberè ad eam inducit, uti si non recordantem  
diei Veneris inducam ad comedendas carnes:  
quod multò magis valet in priore casu,  
cùm blasphemia sit intrinsecè mala, illa comestio  
carnis tantùm extrinsecè: unde audiendus non est  
*Gobat*, qui in Quin. T. 5. c. 9. & 19. n. 48. à peccato  
excusat tales inducentes, eo quod illa locutio  
non retineat objectivam malitiam, si proferatur  
sine usu Rationis, nam licet non retineat respectu  
proferentis, tamen retinet respectu inducentis, qui  
tanquam causa principalis censetur illa moraliter  
proferre per alterum veluti instrumentum,  
non aliter ac si aliquis per organum vel per os  
Psittaci talia proferret.

## C A P U T II.

### *De Juramento.*

## D U B I U M I.

### *Quid sit Juramentum.*

256 " *R* Eſp. Juramentum est invocatio tacita ve-  
" expressa Numinis divini, tanquam prima  
" & infallibilis veritatis, in testem alicujus rei  
" Hæc autem invocatio in eo consistit, quod  
" jurans, quantum in se est, cupiat ac velit.

Deum

Deum id, quod jurat, testari, & manifestare  
 (si, & quando nimis illi placuerit, sive  
 in hac vita, sive in altera) tanquam quod  
 ab ipso Deo sit cognitum, & verum. Ita commu-  
 niter Doctores. S.Thom.2.2.q.89.a.1. Bon.Tom.2.d.4.  
 q.1.p.1. Sanch.3.Mor.c.1. Laym. L. 4. Tract. 3. Cap.1.  
 Unde resolvitur.

I. Quoad forum internum, jurat, quisquis inte-  
 riùs intentionem habet, sive formalem sive  
 virtualem; & invocat Deum in testem, sive his,  
 sive illis verbis, ac signis, sive etiam nullis usus sit;  
 ita ut si quis utatur verbis nullo modo impor-  
 tantibus juramentum, & is tamen ea putet esse  
 juramenta, verè juret; Suar. L. 1. c. 1. Sanch. l. c.  
 Layman l. c. Quoad forum autem externum,  
 quænam formulæ jurandi rationem habeant,  
 ac proinde quæ verba licet usurpari in conver-  
 satione possint, patet ex sequentibus.

II. Quando dubium est de jurantis intentione,  
 judicari solet secundum communem acceptio-  
 nem verborum, quibus est usus.

III. Veram rationem juramenti habent  
 hæ formulæ: testor Deum, vel invoco D E U M  
 testem. Item, Auff meinem Eid: bey meinem Eid:  
 nisi aliud de usurpantis intentione constet: quia  
 multi ita loquuntur, v.g. Ich schwere dir ein Eid;  
 vel, bey meinem Eid, hoc vel illud faciam,  
 quorum tamen mens non est serio id jurare, sed  
 tantum iracundè & gravitiis affirmare, Laym.c.2.

IV. Fides à Sacerdotibus loco juramenti  
 exigi solita per eorum consecrationem, ut & for-  
 mula illa Principum, bey unser Furstlichen Ehren,  
 oder Trevren, etsi non sint juramentum, tamen in  
 foro fori accipiuntur loco juratæ promissionis;

ut & si à personis illustribus vel nobilibus dicitur, bey meinen Adlichen Ehren, Trevven, und Glauben, vid. Laym. l. c.

V. Formulæ hæc, D E U S novit, Deus testabitur suo tempore, coram Deo loquor, Deus novit omnia, D E U S videt meam conscientiam, censetur tantum narrativè proferri, non invocativè (atque adeo non sunt juramenta) nisi aliud constet, aut ex circumstantiis probetur. Lay. n. 4. Bonac. q. 8. p. 2. ex Suar. Lesf. Sanch. & aliis.

VI. Non sunt juramenta, quæ dicuntur per modum sponsionis; v. g. expono caput meum, amputentur mihi aures, nî ita sit, &c. v. Sanch. n. 4.

VII. Non verè jurat, qui ut juramentum coactus vitet, dicit se jurare per omne id, per quod potest, quia cùm nulla res sit, per quam absque necessitate jurare licet possit, censetur per nihil jurare intendisse.

VIII. Non sunt juramenta, (quod Confessarii & Catechistæ moneant, ne ex erronea conscientia peccetur) verè, certè, in veritate, fide boni viri, per fidem meam, fide boni Christiani, vel Sacerdotis, vel Regis; per conscientiam meam, &c. ut habet Less. Cap. 42. d. 1. n. 4. Bon. l. c., quia tantum significant illum loqui ex dictamine conscientiæ & notitia veritatis; nec in testem adducitur D E U S. Esset tamen juramentum, dicere, per Fidem Catholice, per S. Evangelium, quia tunc censetur in testem adduci illius Fidei & Evangelii auctor. Vid. Laym. l. c.

IX. Non jurat, qui dicit: Tam verum est quam Sol lucet, quam hic sedeo, ambulo, &c. Unde et si comparatio falsa sit, tantum est mendacium, cùm nullus in testem invocetur. Idem est, si dicat:

quoniam

*quod dico, est Evangelium, est instar Fidei, &c.  
est de Fide, &c.*

X. Quamvis hæ & similes comparationes  
(tam verum est quād D E U S est, quād Christus est  
in Venerabili Sacramento, quād verum est Evan-  
gelium : item, tam sum innocens quād B. Virgo, vel  
S. Franciscus, &c.) communiter videantur conti-  
nere juramentum cum blasphemia ; id tamen  
non satis apparet, quia nullus in testem invocatur.  
Neque videtur esse blasphemia, si sit verum, &  
animus proferentis sit significare tantum simili-  
tudinem ; ut sensus sit, hoc esse verum suo modo,  
sicut alterum est verum suo modo. Tum verò  
esset blasphemia, si usurpans intenderet signifi-  
care, tantam esse (secundūm æqualitatem)  
in suo dicto certitudinem, quanta est in ea veri-  
tate Fidei. *Sanch. 2. Moral. c. 31.*

XI. Non est juramentum, cùm quis jurat  
per creaturas, in quibus nihil divinæ bonitatis  
specialiter elucet : quia tunc non censemur adduci  
cum relatione ad Deum, ut si dicas : *Juro per hanc  
barbam, vestem, &c.* Censemur autem juramentum,  
cùm sit per creaturas nobiores ; cùm per eas tunc  
accipiatur earum Creator, ut qui in iis singula-  
riter residet ac relucet : sic v.g. dum juratur  
per cælum, intelligitur illius habitator ;  
dum per terram, is, cuius hæc scabellum ;  
dum per templum, is, qui ibi colitur ;  
dum per aliquod Sacramentum, is, qui instituit ;  
dum per crucem, is, qui in ea fixus est ;  
dum per Evangelia, ea tangendo aut nominando,  
is, cuius ea verba sunt. *Bonac. q. 1. p. 1. n. 4. ex Suar.  
Sanch. II. cc.*

## ADDENDA.

Q. 63. *Quot modis fiat juramentum.*

157

L 5

Ex.

R. Cum Tamb. hinc L.3. c.1. §. 1. n.2. his quatuor,

1. Mente, si intra animum aliquid affimes vel spondeas, Deumque in confirmationem invoces velut testem : 2. Nutu, uti si tibi dicatur, iures per Deum, & tu oculis vel capite annuas : 3. Facto, uti si oblatum ad jurandum Evangelium tangas : 4. Verbo, etiam unico, dicendo aut scribendo, v.g. juro, in iis circumstantiis, quando sic intelligitur Deus vocari in testem, uti recte Dicast. de Juram. d.1.num.108,

253 Q. 64. Qua non nam præterea censetur quis jurare vel non jurare. R. Gob. T. II. à n. 483. plurimas assert formulas, 1. ô Deus ! esto mihi testis, dicit non esse juramentum, sed meram precationem : contraria est, nam videtur esse invocatio Dei pro confirmatione veritatis, ergo est juramentum : 2. Nego Deum, si ita non sit, est mera blasphemia ; & quidem hæreticalis, uti vult Castrop. T. 17. D. 2. P. 2. §. 3 : 3. Juro per caput Christi, si cum debita reverentia dicatur, est licitum juramentum ; si cum vilipendio, est juramentum cum blasphemia, Gobat & Dicast. n. 194. 4. Sim nequam, sim fur, si ita non est, non sunt juramenta, Dicast. n. 161. 5. Juro per meam animam, est dubium, an sit juramentum, inquit Tamb. §. 3. num. 4, ex communi tamen usu, inquit Castrop. T. 14. d. 1. p. 1. n. 7. Gob. n. 486. Dicast. n. 119. censetur esse juramentum, quia anima interponitur velut clarissima Dei imago, vel ut Deo specialiter obligata: quod si diceretur, juro super animam, videtur esse juramentum execratorium. 6. Jura per me ; per eum, qui sum, aliqui volunt esse juramentum, quia homo est Creatura perfecta, in qua specialiter relucet Deus : Suar. tamen Sanch. & Dicast. n. 124. rectius putant ex usu non recipi velut juramentum, sed tanquam interpositionem autho-

authoritatis vel fidei humanæ. 7. Sacerdos jurans  
fide sacerdotali; item Princeps in fide Principis &c,  
si id faciant in circumstantiis, in quibus exigi solet  
juramentum, debent in utroque foro præstare  
omnia, atque si jurâsent per Evangelia: idem est,  
si in Judicio jurâsti, v.g. per fidem viri nobilis,  
quando tenebaris jurare per Deum: idem putant  
etiam extra Judicium *Sanch. Gob.* n. 488. *Dicast.*  
num. 105. & 131. aliisque, si deliberatè dicantur  
talia verba, per consuetudinem esse & accipi velut  
juramenta. 8. Jurans per tactum libri, quem putavit  
esse Evangelia, reipsa juravit, licet fuerit alius liber,  
quia error est tantum materialis, *Tamb.* §. 1. n. 4.  
9. Si jures per ignem vel aërem, non sunt jura-  
menta: Si per ignem Dei, aërem Dei, sunt jura-  
menta, *Tamb.* §. 3. n. 20. 10. Si per aliqua, de quibus  
dubitatur, an per illa invocetur Deus, neque posi-  
tivè intendas invocare, neque intendas non invo-  
care, quia non advertis, nec de hoc cogitas, reipsa  
non juras, *Tamb.* n. 6. 11. Si quis dicat verba,  
quæ non continent juramentum, velitque per ea  
jurare, reipsa jurat, si sciat, quid sit jurare, nempe  
quod sit Deum vocare in testem; si autem nesciat,  
quid sit jurare, uti særissime non sciunt rudes,  
etiamsi voluerit jurare, aut facere quod alii faciunt,  
reipsa non juravit, sed inefficaciter tantum  
jurare voluit, quia Deum non vocavit in testem,  
non enim cognovit se hoc facere aut velle,  
*Tamb.* §. 1. n. 8. *Dicast.* n. 102. 12. Quando quis protulit  
verba ambigua, de quibus ex usu communi  
non constat, an contineant juramentum vel non,  
standum est intentione proferentis, & si quidem  
non solet jurare, censendum est non fuisse inten-  
tionem jurandi; si autem solet jurare, præsumendū  
est fuisse intentionem jurandi, *Dicast.* n. 104.

Q. 65.

259 Q. 65. *An falsò jurans reipsa juret.* R. Jurat, quamvis enim non velit, ut Deus absolutè testetur suam falsitatem, cùm hoc sciat esse impossibile, tamen, quantum in se est, vult, ideoque invocat Deum, ut si possit, testetur falsitatem esse veritatem, & in hoc consistit gravissima malitia perjurii, *Castrrop.* P. 1. N. 8.

260 Q. 66. *An omne juramentum falsum etiam sit blasphemia.* R. Communiter negatur cum *S. Th.* 2. 2. q. 13. art. 3. ad 2. & *Sanch.* in *Dec. L.* 2. c. 32. n. 33, sed *Castrrop.* T. 17. D. 2. P. 2. §. 3 n. 9. dubitat, 1. Quia qui jurat falsò, facit Deum testem & assecuratorem falsi, ergo Deo tribuit, quod illi convenire non potest. 2. Quia si diceret, confirmet DEUS suo testimonio hanc falsitatem, utique blasphemaret, ergo & blasphemiat falsò jurans, nam eundem sensum habent falsa juramenta, non quod jurans absolutè velit id fieri, sed saltem, quantum in se est, quod videtur sufficere ad blasphemiam.

## D U B I U M II.

### *Quotuplex sit Juramentum.*

261 " *R* Esp. Divisiones aliquot communiter afferuntur, sed tantum accidentales, quæ speciem non mutant, ut in Confessione distinguere non sit opus, *Suar. Leß. L. 2. c. 42. d. 2. Bonac. T. 2. d. 4. q. 1. p. 2.* Itaque dividitur,

" *Primò.* In Verbale, Reale, & Mixtum;

" cùm videlicet fit vel verbis, vel actione aliquâ, ut unctione digitorum, contactu crucis, sceptri, Evangeliorum; vel & verbis simul & actione corporali, unde & vocatur Juramentum Corporale. *Vid. Bonac. l. c.*

*Secundò.*

*Secundū. In Invocatorium seu Contestatorium, & in Execratorium seu Imprecatorium.* Illud est, quo Deus simpliciter ut testis invocatur: hoc autem, quo non solum vocatur ut testis, sed etiam ut vindicta, cum jurans, se vel alium dilectum, vel aliquid sui aut suorum, subjicit Deo puniendum, si falsum dicat: ut, *Ita me Deus amet, adjuvet; puniat me Deus; faciat DEUS, ut hinc nunquam sanus surgam; nec conjugem, nec liberos vivos hodie intuear; tollat me Deus subitaneā morte; aeternū damner; super animam meam,* &c. In quibus quando falso juratur, an sit conjuncta altera species malitia contra charitatem sui, aut Proximi, Scholastici controvèrtunt: Negat Suar. Val. &c. Quia non solet quis, etiam amico suo tale malum ex animo imprecari, sed potius cogitat Deum non facturum esse. *Vid. Bonac. l. c.*

*Tertiū. In Assertorium & Promissorium.* Illud est, quo præterita vel præsentia affirmantur aut negantur: hoc autem est, quo aliquid futurum promittitur. Addunt aliqui Comminatorium, ut v.g. *per Deum ego te cædam*, sed hoc referri potest ad promissorium. In Confessione non opus est explicare, utrum per Deum, an Sanctos juraveris, quia est ejusdem speciei malitia, cum jurans semper intendat Deum adducere in testem. *Suar.* *Leß. l. c. Lugo d. 16. n. 286.*

#### A D D E N D A.

Q. 67. *An Juramentum assertorium essentialiter differat a promissorio, etiam in ratione Juramenti.*

R. *Castrrop. Tr. 14. D. 1. P. 2. N. 7.* dicit probabilius esse, quod differant, quia in assertorio invocatur Deus pure ut testis, in promissorio autem etiam ut fidejusor, id est, ut Deus suam autoritatem præstet pro eo, quod Jurans sit rem executurus:

Alii

Alii cum Cajet. Valent. Suar. hic L. i. c. 9. n. 1. communiter contrarium tenent, eò quod essentia juramenti quæ talis consistat in invocatione divini testimonii, cui accidentale est invocari ad firmam veritatem rei futuræ vel præsentis: *Dicast. d. 2. n. 61.* docet fieri posse juramentum promissorium absque eo, quod Deus vocetur in fidejusforem veritatis implendæ de futuro, potest enim tantum promitti coram ipso tanquam summæ authoritatis Domino, qui novit animum de præsenti, efficiendi in posterum, quod juratur, uti fit, dum quis promittit aliquid coram Rege. Vide dicenda hic n. 305. & p. 2. n. 725.

## D U B I U M III.

*An & quando sit licitum jurare.*

26; **R**esp. Juramentū, si debito modo fiat, licitū est.  
 " " Est de Fide. Et quidem est actus Religionis,  
 " " ut omnes docent. Tunc autem debito modo  
 " " fit, cùm in eo observantur hæc tria: 1. est *Judiciū*, quod exigit, ut cum discretione, prudentia,  
 " " consideratione ac reverentia, non sìne necessitate  
 " " aut gravi causa fiat. 2. Est *Justitia*, quæ exigit,  
 " " ut quod juratur, sit res justa, licita & honesta.  
 " " 3. est *Veritas*; ut nimis sit res vera, aut saltem  
 " " ex gravi ratione putetur esse vera; ita ut, prout  
 " " ex defectu alicujus horum, minor aut major  
 " " in Deum injuria aut irreverentia redundare  
 " " censetur, ita quóque majus aut minus commit-  
 " " tatur peccatum: *Unde resolvitur,*  
 " " I. Quoad judicium, si hoc solum defit,  
 " " ut plurimūm est veniale tantum, ut si quis  
 " " absque necessitate juret, sive ex levitate quadam  
 " " animi, sive ex consuetudine, vid. *Sanch. l. 3. c. 6. n. 22.*  
 " " *Lef̄s. L. 2. c. 42. n. 17.*

II. Mortaliter tamen etiam hic, aut venialiter peccari potest, juxta quantitatem negligentiae, quam jurans admittit in vestigatione veritatis vel tollenda consuetudine. *Sanch.* num. 10.

III. Et sic mortaliter est status illorum, qui non tollunt consuetudinem jurandi sine attestatione, sive verum hoc an falsum, quod jurare solent.

IV. Quod ad Justitiam spectat, peccat mortaliter, qui jurat se facturum rem mortaliter malam; ut, se aliquem interficetur; quia est gravis irreverentia; divinâ authoritate se ad peccatum mortale quasi obligare; ita ut hic duæ malitiæ concurrant; una, quod velit malum; altera, quod ad hoc abiatur authoritate Dei, odientis omne malum, *Leß. L. 2. c. 42. d. 3. num. 17.* *Bonac. T. 2. d. 4. q. 1. p. 3.*

V. Venialiter autem peccat, qui jurat facere rem venialiter malam, aut vanam, aut inutilem, aut frivolam; cum ibi levis tantum irreverentia censeatur, *Bonac. ibid. Less. l. c.*

VI. Item peccat venialiter, qui jurat aliquid contra consilia Evangelica; ut se non ingressurum Religionem, non daturum eleemosynam aut mutuum, *Suar. Less. Sanch. Bonac. l. c.*

VII. Quod ad veritatem spectat, cum haec deest, peccatur mortaliter, quia committitur gravis in Deum irreverentia, quippe cum adducatur in testem falsitatis, quasi vel ipse veritatem nesciat, vel velit aut possit decipere, testando falsum. Nec hic excusat levitas materiæ, quia sive haec sit gravis, sive levis; seria sive jocosa, æqualiter tamen repugnat Deo testificari falsum, & tale juramentum dicitur Perjurium. *S. Th. 2. 2. q. 97. art. 7. Less. l. c. Sanch. Bonac. l. c.*

An

» An autem , & quando perjurium possit esse  
» veniale per accidens, v. Escob. T.1. c.3.n.6.

» VIII. Non excusatur, qui jurat verum, si is puta-  
» bat esse falsum ; vel qui jurat pro certo, de quo  
» ipse dubitat, et si à parte rei verum sit. Sotus, Nav.  
» Bonac. l.c.

» IX. Peccat & què graviter, qui ab altero exigit  
» juramentum , sciens eum esse pejeratum.  
» Excipe, nisi justa causa & necessitas exigit : quia  
» tunc perjurium ex sola pejerantis malitia sequi-  
» tur ; nec alter moraliter censetur illius causa,  
» cùm utatur suo Jure. Quod tamen extra Judi-  
» cium raro habet locum in privatis personis.  
» S.Th. q.89. Suar.L.3.c.13. & 14. Sanch.L.3.c.8

» X. Non pejeravit, qui juravit aliquid re ipsa  
» falsum, quod ipse bona fide , & cum ratione  
» putavit esse verum.

» XI. Excusari subinde quidam simplices  
» à mortali perjurio videntur posse, ratione incon-  
» siderationis, cùm usurpant quasdam formulas  
» juratorias, ut, *per animam meam ; puniat me Deus;*  
» et si enim sciant id vocari juramentū, non tamen  
» apprehendunt, quod jurare fit aliquid grave, &  
» invocare Deum in testem ; sed tantum appre-  
» hendunt confusam aliquam rationem mali,  
» non tanti momenti. V.Bon.l.c. Laym.L.4.T.3.c.14.

#### A D D E N D A.

264 Omne juramentum esse illicitum docuerunt  
Waldenses aliique apud Arcdek. de dogmatibus  
damnatis v. Juramentum : sed eorum error repro-  
batus est in Concilio Constantiensi Sess.8. inter errores  
Wicleff. Art. 43 : è contrà Priscillianus aliique  
eum secuti docebant omne perjurium esse licitum,  
sed hic quoque error damnatur in Concilio Braca-  
rensi I. Anno 563. His itaque omissis, sit

Q. 68.

Q. 68. *An sit licitum jurare circa rem malam.* <sup>265</sup>  
*R. Regin. & alii cum Bonac. D.4.Q.I. P.3.N.9. dicunt*  
*semper esse mortale adducere Deum in testem rei*  
*mortaliter malæ, sed probabilitis negant Suar.c.12.*  
*num.7. Sanch.L.3.c.4.n.33. Fill. T.25.c. II. n.336*  
*Castrop. p.5.n.6. Dicast.n.81, nisi Juramentum assu-*  
*meretur tanquam instrumentum illius peccati,*  
*ut si quis detractionem confirmaret juramento,*  
*tum enim per juramentum auget infamiam, quia*  
*majorem facit fidem; de cetero non erit mortale*  
*jurare, v. g. furtum à se esse commissum, nam*  
*invoco Deum testem veritatis; imò rectè notat Fill.*  
*nullum fore peccatum, si quis cum causa juraret*  
*se aliquod mortale commisisse, nam ex illo objecto*  
*materiali jurato nulla redundat irreverentia*  
*in Deum vel in juramentū: aliud est de juramento*  
*promisorio, de quo Busenb. suprà, nam si jurem*  
*rem venialiter malam à me faciendam, communis*  
*sententia est esse tantum veniale; si mortaliter*  
*malam, communior est, quod peccatum graviter,*  
*firmando me illâ authoritate Dei in proposito*  
*peccandi mortaliter, quamvis etiam Leß. & Dicast.*  
*à num. 67. dicant nec hīc satīs apparere rationem*  
*convincēt, retorquentur enim in proposito*  
*jurato peccandi venialiter, hīc fidedigni referunt*  
*Vasq. & Rubium sensisse semper esse veniale*  
*tantum; sed propter autoritatem contrariam*  
*non est recedendum à communi sententia.*

Q. 69. *An sit mortale jurare sē facturum rem,* <sup>266</sup>  
*quam jurans scit esse physicè vel moraliter impossibi*  
*le. R. Communis sententia apud Tamb.L.3.c.3.*  
*§.3.n.8.Dicast.n.108.Busenbaum suprà affirmat, quia*  
*Deus vocatur in testem illius, quod judicari debet*  
*nō futurum: consentit Tamb: si juranti, quantum*  
*in se est, desit animus procurandi, ut eveniat,*

si autem hic animus adsit, putat cum aliis non fore mortale, quia deērit solum judicium.

- 267 Q. 70. *An sit licitum jurare rem, quam tantum probabiliter judico esse veram.* R. Sanch. L. 3. c. 4. n. 10. Castrop. p. 5. n. 2. aliique cum Diana P. 4. T. 4. R. 77. affirmant, quia juras hoc, quod judicas verum, ergo non pejeras; unde quod aliquis audivit à viro notabili & fide digno, potest secundūm illos AA. affirmare & extra Judicium jurare esse verum; quod aliqui apud Dian. extendunt ad Juramentum etiam in Judicio, sed melius id negant alii, ibi enim postulatur Juramentum scientiæ, quod majorem certitudinem requirit, uti notat Castrop. n. 3, nam testis hic censetur semper testari de visu & præsencia propria, uti etiam notavit Bon. suprà n. 9. Si quis putet utramque partem oppositam esse probabile, poterit jurare & hanc & illam esse probabilem, tamen jurare non poterit & hanc & illam esse veram, cùm enim utriusque simul assentiri non possit, illam tantum jurare poterit, cui assentietur: è contrà Suar. c. 4. n. 7. & Dicast. n. 147. requirunt moralem certitudinem ad omne Juramentum, alioquin jurantem fore perjurum, quia qui jurat significat se plūs quam opinari, & dicit se aliquo modo scire, ergo jurare non licet id, de cuius veritate certò non constat; & prærequiretur saltē talis certitudo, ut nulla vel parva & non prudens sit formido de veritate partis oppositæ, vel saltē ut non sit formido æqualis: admittunt tamen & ipsi requiri quandoque maiorem, quandoque minorem certitudinem, etiamsi in Judicio jures, uti rectè explicat Dicast. n. 142, nam in causis, ubi Juramentum erit in favorem, sufficiet minor certitudo, ubi autem ex eo grave incommodum nasci posset alteri, requiretur major; &

hæc

hæc ultima sententia videtur probabilior : omnes autem communiter docent cum *Sanch.* n. 11. & *Castrop.* num. 3., ad hoc, ut quis testificetur de Scholaftico , quod toto tempore ad cursum conficiendum requisito frequentaverit scholas , non esse necesse, quod viderit eum singulis diebus, sed sufficere , si communiter viderit adeuntem scholas, inde enim rationabiliter credit satisfactum esse Statuto Universitatis, quod est, ut majore anni parte frequenter, & cùm alia testificatio sit morali-  
ter impossibilis , non censetur alia postulari : Quod si tantum audivisset à fide digno , quod frequentāset, non sufficeret ad jurandum, nam hoc Juramentum est veluti judiciale, quod requiri-  
rit testem de visu ; posset tamen tum jurare,  
quod audisset à fide digno.

Q. 71. *Quanta adhiberi debeat diligentia in inquirenda veritate, antequam jurari possit.* R. Secundūm *Sanch.* tanta, ut probabile Judicium possit formare, quo assentiatur : secundūm *Dicast.* tanta , ut non multum formidet de veritate oppositi, sed moraliter certus sit : prout ergo negligētia aut contemptus hujus examinis erit gravis vel levis , siéque Juramentum cum reflexione ad eam, seu cum cognitione illius, erit perjurium grave vel leve, *Dicast.* d. 2. à n. 135.

Q. 72. *An Civis vi & injusto bello subjugati, possint invasoribus præstare generale Juramentum fidelitatis.* R. Possunt, dummodo nihil illicitum expressè admisceatur, & ipsi intelligent se solūm jurare fidelitatem ad licita & honesta : legitimū tamen Principem suum abjurare non possunt, quia talis abjuratio est perjurium, cadens in materiam falsam & in injuriam veri Principis, ita *Leß.* in *Auct.* v. *Juramentum cas.* 5.

M. 2

Q. 73.

270 Q. 73. Si Cajus subordinet Titium Procuratorem, ut pro se falso juret, uter illorum sit perjurus vel incurrat poenas perjurii. R. Silvest. putat utrumque esse perjurum, sed solum Cajum incurrere poenas perjurii: Texeda apud Dian. P. 10. T. 14. R. 13. dicit solum Titium esse perjurum, & solum incurrere poenas perjurii: videtur dicendum, quod uterque sit perjurus, Cajus moraliter & mediate, quia mandavit, Titius physicè & immediate, quia executus est, ita Sanch. l. 3. c. 13. n. 26. Dicast. d. 3. n. 44. & alii: poenas autem incurret solus Titius, quia haec cadunt in eum, qui propriè perjurium ponit, hic autem solus Titius propriè jurat, & consequenter pejerat, qui physicè ipsem & immediate id facit, ideoque peccatum solius Titii erit casus reservatus, v.g. in Diœcesi Coloniensi, in qua Episcopo reservatum est perjurium manifestum.

271 Q. 74. Quomodo peccet, qui jurat habens consuetudinem jurandi. R. §. 1. Si sit consuetudo jurandi non falso, quamvis consuetudinem nunquam retractaverit, non peccat nisi venialiter, quia singula talia Juramenta sunt tantum venalia, ut suppono, & consuetudo non aggravat mortaliter, licet postea semper advertenter juret, ita Castrop. T. 14. d. 1. p. 9.

272 §. 2. Si sit consuetudo jurandi falso, sed inadvertenter, quam non retractavit, si Juramenta, quæ nunc fiunt, non profiscantur ab illa consuetudine sed ex passione vel subito motu, uti processissent, licet non adfuisse consuetudo, non erit mortale, quia neque in se, neque in causa sunt plene voluntaria, causa enim eorum non est consuetudo, sed aliis motus plenam rationem prævertens, ita S. Th. in 3. Dist. 39. a. 5. in O. Et ad Annib. L. 3. Dist. 39. q. 1. art. 1. O, Suan. Sanch. Cajet. v. Perjurium, Castrop.

*Castrop.* aliique cum *Dicast.* D.2. n.170. contra multos, quos referunt *Dicast.* & *Dian.* P.10. T.14. R.13.  
*Vid. Vind. Tab. in Collectan. ad Prop. 12.* Requiri autem plenam deliberationem ad mortale, probabitur Lib. 5. Num. 216.

§. 3. Si proficiuntur ex consuetudine<sup>273</sup> non retractata, quamvis planè inadvertenter fiant, non erunt quidem in se peccata, uti dicetur Lib. 5. à n.15, cùm non sint formaliter libera, erunt tamen peccata in causa seu in voluntate, quam jurans habet, non removendi consuetudinem, ita *Sanch.* L.3.c.5. à n.28. *Castrop.* n.5. aliique multi cum *Dian.* P. 3. T. 5. R. 62; putatque *Suar.* L.3.c.8.n.6. utile fore taliem non absolviri, si admonitus non emendet consuetudinem, *Sanch.* tamen L. 2. c.32. num. 45. *Castrop.* n. 6. & *Burgh. Cent.* 1. Cas.3. contra multos alios apud *Dicast.* n. 197. putant posse absolviri, quia dispositus est, & absolutio non est necessariò neganda vel differenda, quando peccata non pendunt ex occasione extrinseca, quæ amoveri debeat, sed tantum ex intrinseca fragilitate relabentis, uti hic fit; iñd *Dicast.* n. 214. dicit non posse licet negari absolutionem tali Consuetudinario, quia consuetudo illa non est aliquid voluntarium, quod possit à se repellere, sed est aliquid naturaliter relictum post actus, quod etiam non magis est occasio proxima peccandi, quām inclinatio naturalis, de qua tamen expellenda non tenemur habere voluntatem: unde notat *Diana* suprà, quando Authores dicunt non absolvendum eum, qui ex consuetudine relabitur, intelligendos esse, si relabatur inadvertenter, alioquin enim non peccat per relapsus: an autem & quomodo talia, quæ inadvertenter ex consuetudine sequuntur, sint confitenda, dicemus Lib. VI. T. 4. c. 1. ad d. 3.

274 §. 4. Rectè notat post *Scotum Dicast.* num. 181, quòd sicuti consuetudo amandi DEUM efficit, ut assuetus prorumpat in actus amoris quasi imperceptibiliter & non omnino advertenter, ita tamen, ut actus illi ad meritum sufficient; non aliter etiam in illis, qui assueverunt ad Juramentum vel aliud peccatum, licet non ita reflexè advertant malum, tamen sæpe sufficienter advertunt, quantum ad culpam sufficiet; quod maximè locum habet in iis, qui habent celeres motus ingenii.

## DUBIUM IV.

*An in Juramento uti liceat equivocatione.*

275 " **R**esp. Jurare cum æquivocatione, quando justa causa est, & ipsa æquivocatio licet, non est malum; quia ubi est Jus occultandi veritatem, & occultatur sine mendacio, nulla irreverentia fit Juramento. Quòd si autem sine justa causa fiat, non erit quidem perjurium, cum saltem secundùm aliquem sensum verborum, vel restrictionem mentalem verum juret, erit tamen ex genere suo mortale contra Religionem; cum sit gravis irreverentia, ad alterum in re gravi decipiendum, usurpare Juramentum. Ita communiter Doctores. *Vid. Sanch. L. 3. c. 6.* *Bonac. T. 2. D. 4. Q. 1. P. 12.* *Laym. L. 4. T. 3. c. 13.* Unde resolvitur,

" **I.** Graviter peccat, qui utitur æquivocatione, quando non rogatus, sed sponte suâ jurat: quia tunc tenetur uti vocabulis secundùm communem significationem, inquit *Tolet. L. 4. c. 21.* eo quòd non habeat rationem æquivocandi.

II.

II. Graviter item peccat, qui utitur æquivocatione, quando Juramentum justè exigitur, ut à Judice vel Superiore, in re gravi. Bonac. l.c.

II. Si autem fiat tale Juramentum in re levi, per jocum, & citra inobedientiam, ac notabilem dampnum alterius, erit tantum veniale, ut probabiliter docet Sanchez l.c. contra alios, quia solâ discretione sive Judicio caret. Vid. Bonac. l.c.

IV. Licet æquivocè jurare, si Juramentum exigitur injustè; ut v.g. si quis exigit Juramentū, qui Jus non habet, v.g. Judex incompetens; vel si non servet ordinem Juris. Item si exigitur per vim, iniuriam, metum, v.g. si vir exigit Juramentum ab uxore de adulterio occulto; si latrones exigant à te lytrum cum Juramento. Sayr. L. 4. c. 5. & L. 12. c. 17. Trull. L. 2. c. 1. d. 15. Leß. L. 2. c. 42. d. 9.

V. Qui exteriùs tantum juravit sine animo jurandi, non obligatur, nisi forte ratione scandali, cum non juraverit, sed luserit. In foro tamen externo potest cogi, ut servet. Sanch. 7. Moral. Cap. 10. num. 11. Trull. d. 10. n. 2.

## ADDEND A.

Q. 75. An fit licitum jurare sine animo jurandi, aut cum animo non implendi, aut se non obligandi. 276  
 B. §. I. Primum est illicitum, ut patet ex propositione 25. ab Innoc. XI. damnata, Cum causa licitum est jurare sine animo jurandi: Sic tamen jurans (propriè loquendo) non jurat, ut rectè S. Th. 2. 2. q. 98. art. 3. ad 2. Suar. L. 2. c. 7. n. 2. Sanch. L. 3. c. 10. n. 4. Carden. in 2. Crisi d. 18. n. 3. Dicast. d. 1. n. 92. aliique plurimi apud Vindicem Taberna in Collect. ad Prop. 12, sicut enim qui orationem vocalem exprimit sine animo orandi, reipsa non orat; item qui votet sine animo votandi, reipsa non votet,

ita & hic ; sed tantum sunt nuda verba apta significare Juramentum , si adesset animus vocandi Deum in testem , aut sic se obligandi ad aliquid. Hoc non obstante si quis exteriūs vocet D E U M in testem falsi , quamvis interiūs non habeat animum jurandi , omnes communiter dicunt eum peccare mortaliter , quia est grave vili-pendium Dei , & directè contra finem Juramenti , qui est assecurare de veritate , qui finis evertitur , si homines intelligent posse absque gravi peccato fictè & falso jurari. Vide dicenda num. 321.

<sup>277</sup> §. 2. Si quis finē animo jurandi vocet Deum in testem rei veræ , certum est , quod peccet venialiter , tum quia est aliqua irreverentia nomen Dñi ita assumere in vanum , tum etiam quia est mendacium , talis enim exteriūs significat se habere animum jurandi , & tamen illum non habet , ergo mentitur. Controversia est , an talis hoc ipso etiam peccet mortaliter ; affirmant Cajet. Armil. Covarr. Filguera & alii duci his rationibus , in primis quia mentiens jurat ; deinde quia utitur Juramento ad deceptionem Proximi ; præterea illudit testimonio Dei , cùm fingat se illud invocare , & tamen non invocet , unde sicut ille peccat mortaliter , qui per hypocrisim simulat sanctitatem , ita & qui simulat invocationem testimonii divini : è contrà Suar.c.17.n.6.Sanch.c.6.n.10.Lesf. d.8.n.46. Castrop.p.8.n.4. Illsung T.5.n.55. Dicast. d.2.n.278. Carden.n.12. probabilitas dicunt esse veniale tantum , nisi forte fiat in contractu , aut in Judicio legitimo , aut in simili circumstantia , quando est gravis obligatio serio jurandi , ut si Proximus alioqui pati posset . grave damnum : Ratio est , quia non appetet , unde colligi possit illa gravis malitia , nam Juramentum non cadit super mendacium , neque

neque super deceptionem Proximi , sed tantum  
super rem veram : unde ad rationem primam &  
secundam Adversariorum dici debet non esse  
mortale , quamvis aliquis mentiens & decipiens  
juret , dummodo Juramento non confirmet  
mendacium vel deceptionem, quod hic non facit.  
Ad tertiam rationem, nego per hoc graviter illudi  
divino testimonio, uti enim si quis fingat se orare,  
cum tamen non oret , illa fictio non est graviter  
peccaminosa, ita nec hic. Ad illud, quod additur,  
de hypocrisi, dico eum, per se loquendo, etiam  
venialiter tantum peccare , qui ex vana gloria  
simulat se sanctum ; aliud est, si per falsa miracula  
id fingeret, aut populos induceret in alios errores,  
aut nollet habere gratiam Dei , & tamen vellet  
videri sanctus , tum enim per accidens peccaret  
mortaliter; tale quid non est in eo, qui jurat verum  
sine animo jurandi , ille enim non intendit  
eiusmodi indebitam excellentiam, neque alio fine  
graviter malo ducitur ad sic jurandum ,  
uti suppono.

§. 3. Qui jurat sine animo implendi, peccat <sup>278</sup>  
mortaliter, quia vocat Deum in testem voluntatis  
implendi , quam tamen scit se non habere:  
quod si injuste cogeretur ad jurandum, & juraret  
cum animo id non implendi, quod jurat, sed  
petitâ prius relaxatione Juramenti, non peccaret,  
uti habent *Suar. L.2.c.7.n.20. Sanch. L.3.c.11.n.17.*  
*Dian. P.9. T.8.R.56.* quia habet animum faciendi,  
nisi ab ea obligatione fuerit absolutus , à qua  
per legitimam potestatem absolvî potest

§. 4. Si quis juret habens animum jurandi & <sup>279</sup>  
implendi id, quod jurat, attamen non habens  
animum se obligandi, *Sanch. c.20. n.8. Castrop. p.8.*  
*n.8. aliisque plurimi apud Dicast. d.2. n.278.* dicunt

eum non jurare , quia de essentia , vel saltem proprietas metaphysica Juramenti est obligatio, ergo per intentionem se non obligandi destruitur essentia Juramenti : sed quidquid sit de hoc, adhuc dubitatur, an & quomodo talis peccet ; *Val.* dicit, si sic jurans nolit se obligare Deo, sed soli homini, non peccare nisi venialiter, quia non est deceptio graviter injuriosa homini, eò quod adhuc graviter obligetur ex virtute Religionis, de quo dicetur à num. 316, sed alii probabilius putant eum per hoc peccare mortaliter, quia videtur esse gravis irreverentia D E U M adducere in testem, & tamen nolle obstringi ejus testimonio, ita *Less.* de Just. L. 2. c. 42. n. 4. Quod si velit quidem se obligare Deo, sed non homini, eò quod homini nolit promittere, nullum erit peccatum, quia non tenetur homini promittere, aut illi Jus dare contra se, nulla autem apparet malitia in eo, quod D E U M advocet in testem illius sui propositi, ita *Shar.* L. 3. c. 17. n. 10. *Less.* suprà, *Dicast.* n. 281. Vide dicenda n. 321.

180 §. 5. Quibusdam in locis præscriptum est, ut promovendi ad Ordines, ad certas cathedras vel beneficia, ejurent quinque propositiones *Jansenii*, & quidem in sensu intento à *Jansenio*, circa quod Decretum putant etiamnum quidam Jansenistæ licere hoc sibi facere verbotenus tantum, eò quod hoc faciant, non in veritatem, sed in reverentiam Bullæ id præcipientis, & ut externa submissionem exhibeant Sedi Apostolicæ, sed quid circa hoc declaraverit *Clemens XI.* videri potest L. 1. n. 210, ubi ejus Constitutionem retulim⁹. Certè mirum est Jansenistas usque adeo rigoris amantes amplecti praxin sententiaz, contra quam est manifesta ratio, qui enim sic jurat, vel jurat nolens implere id, quod jurat, vel nolens obligari,

ergo

ergo vel manifestè est perjurus , vel jurat  
sine animo jurandi , quorum utrumque certò  
est illicitum.

§. 6. Si quis dicat verba juratoria,nihil affir-  
mando vel negando, v.g. Testor Deum, reddas mihi  
librum ; per Deum quād nunc est frigidum &c,  
peccat venialiter,quia temerè & in vanum assumit  
nomen Dei, & quidem sine animo jurandi, quod  
est indecens ; non est tamen gravis irreverentia,  
ita Carden. num. 33.

§. 7. Qui narrat Juramentum ab altero factum, 182  
v.g. qui sic dicit, Titius sic juravit : *Ego testor Deum,*  
*quod sim innocens,* nihil peccat, quia licet dicat  
verba juratoria sine animo jurandi , tamen  
nullo modo jurat nequidem exteriūs , nam  
illa verba non dicit nomine suo, sed tantum mate-  
rialiter veluti dicta ab altero ; neque in hoc, per se  
loquendo, est ulla indecentia.

Q. 76. Quid notandum sit circa alias propositiones 183  
hic damnatas. R. §. 1. Innoc. XI. damnavit sequentes :  
26. Si quis vel solus vel coram aliis, sive interrogatus  
sive propriā sponte, sive recreationis causā, sive  
quocunque alio fine juret se non fecisse aliquid, quod  
revera fecit, intelligendo intra se aliquid aliud, quod  
non fecit, vel aliam viam ab ea, in qua fecit, vel  
quodvis aliud additum verum, revera non mentitur,  
nec est perjurus. 27. Causa justa utendi his amphibio-  
logiis est, quoties id necessarium aut utile est ad salu-  
tem corporis, honorem, res familiares tuendas, vel  
ad quemlibet alium virtutis actum, ita ut veritatis  
occultatio censeatur tunc expediens. Et studiosa.  
28. Qui mediante commendatione vel munere  
ad Magistratum vel officium publicum promotus est,  
poterit cum restrictione mentali præstare juramentū,  
quod de mandato Regis à similibus solet exigi ,  
non

*non habito respectu vel ad intentionem exigentis, qui non tenetur fateri crimen occultum. Pro intelligentis his damnationibus,*

84 §. 2. Notandum, restrictionem mentalem esse duplificem, alia est *pure mentalis*, alia *non pure mentalis*. Restrictio *pure mentalis* est, quando tota oratio spectatis omnibus circumstantiis, prout exterius profertur, est absolutè falsa, in mente autem aliquid subintelligitur, per quod fieret vera, & tamen illud subintellectum nullo signo externo manifestatur, neque in illius cognitionem humano modo veniri potest, v.g. *Tu me interrogas, an hodie viderim Petrum, ego respondeo, non vidi, & in mente subintelligo, non vidi in foro, cum tamen viderim domi mea, restrictio illa est pure mentalis, quia ex nullis circumstantiis prudenter colligi poterat te interrogare de visione in foro, aut me de illa respondere. Restrictio non pure mentalis est, quando oratio spectatis quidem præcisè verbis aliquem sensum absolutum faceret, sed prout in his circumstantiis profertur, satis intelligitur aliquid ad illam spectans retineri in mente, ita tamen, ut per illas circumstantias vel per aliud signum exterius consignificetur illud, quod in mente retinetur, v.g. Titius jam recenter non vidit Sempronium, Cagus occurrit Titio & sollicitè petit, vidistine Sempronium? hic Cagus in mente retinet, jam recenter, idéoque Titius respondet, non vidi, ubi etiam ipse in mente retinet, Sempronium recenter, hæc verò tam ex parte Caji interrogantis, quam Titii respondentis sufficienter consignificantur per circumstantias sollicitè querentis & respondentis in illis circumstantiis. Iterum, hæc voces peto linguæ bovis, si dicas illas in macello, significabunt linguam*

linguam carnem animalis; si dicas in pharmaco, significabunt herbam, quæ dicitur *lingua bovis*, ergo sicuti circumstantiæ loci hic posunt significare aliquid, quod in mente retinetur, ita etiam aliæ circumstantiæ vel alia signa poterunt significare aliquid in mente retentum, licet verba præcisè id non manifestent, ita *Arsd. T.2.p.2. T.1.Q.1.Steph. T.4.D.10.D.4. Vind.Gob.P.2.Prop.21.* aliquique apud ipsos. His suppositis,

§. 3. *Restrictio* purè mentalis non excusat 285 à mendacio vel perjurio, ita multi apud *Dicast. d.2. n.199*; licet ipse à num. 200. contradicat, sed videtur manifestè sequi ex damnatione propositionis 28: Ratio autem est, quia locutio illa absolvitur verbis illis præcisè prolatis, & exercitè seu æquivalenter dicit hunc esse totum conceptum mentis, quem ad audientem dirigit, ergo cùm neque ex se, neque ex circumstantiis habeat vim significandi totam propositionem internam, aut partem illam in mente subintellectam, per quam propositio interna ad audientem directa fit vera, locutio tota-liter sumpta est contra mentem, ergo mendacium, & si juretur, est perjurium.

§. 4. *Restrictio*, si non sit purè mentalis, 286 excusat à mendacio & perjurio: patet, quia verba, ut conjuncta talibus signis vel circumstantiis humano modo cognoscibilibus, sunt significativa integræ propositionis mentalis, etiam illius partis, per quam verificatur oratio, oratio autem vera licet juratur, si cetera adsint, ergo.

§. 5. *Restrictio* non purè mentalis est licita, 287 saltem ex gravissimis causis, v.g. si aliter non possit vitari mors aut aliud malum morti æquivalens, uti mutilatio, perpetuus carcer; item ad salvandū secretum Principis, sigillum Confessionis &c.

Ratio

Ratio est, quia cùm talis restrictio per se mala non sit, quamvis per accidens & sine causa usurpata possit servire malis fraudibus & obesse commercio humano, uti rectè probat *Palav.* de Fide c. 2, tamen ubi tales gravissimæ causæ eam coherenant, reprehensibilis non est.

388 §. 6. Non est restrictio purè mentalis, si quis respondeat ad mentem interrogantis, quamvis verba, quæ respondet, de se forent falsa, si non dicentur in illis circumstantiis, v.g. si me interroges, an occiderim Cajum, respondeo, non occidi, & licet occiderim, non mentior nec pecco, quia in circumstantiis illis, in quibus crimen est planè occultum, quod si fatear, periclitatur vita mea, non debeo præsumere, nisi aliunde mihi constet, quòd me interroges, an crimen commiserim absolutè, quia non habes Jus ad me ita absolutè interrogandum, neque in illis circumstantiis teneor id., quod nequidem semiplenè est probatum, revelare tibi, cum certa jactura vitæ, quamvis tu etiam essem Judex meus, ad hoc enim me obligare eset nimis durum & superans humanam imbecillitatem, ut plurimi docent cum *Carden.* in 2. Crisi D. 19. n. 81, & dicetur L. IV. n. 1521; itaque prudenter præsumo, quòd interroges me, an occiderim Cajum, ita ut constet, ut probari possit, ut tibi fateri debeam; & conformiter ad mentem, quam tu interrogans habes vel habere debes, verissimè dico, non occidi, quia sic non occidi, ut constet, ut probari possit, ut tibi in illis circumstantiis fateri debeam; atque ad hoc significandum determinatur mea oratio, partim per illa verba, partim per illas circumstantias, in quibus me interrogas, & quas tu scis vel scire debes, ita *Suar. Lug. Carden.* num. 48. Steph. *Vind. Gob.* suprà. Quòd si tamen putarem

te aliter & absolutè interrogare, non possem sic respondere, alioqui mentirer, sed deberem te aliter eludere: similiter, inquit *Cress.* in *QQ. Mor. Q. II. n. 10.* & *Carden.* suprà, si fecisti ante annum homicidium & confessus sis, hodie autem confitearis, uti soles, & te interroget Confessarius, an fortè aliquem occideris, dicis, *non*, neque mentiris aut peccas, quia interrogatio Confessarii æquivalet huic, occidistine, quod non sis confessus, sed nunc confiteri debeas? non enim habet Jus ad aliud interrogandum, & ad hanc ipsius mentem bene respondest te non occidisse: unde universaliter ponunt hanc regulam *Sanch.* & *Carden.* n. 26, quamvis verba ex se ambigua non sint, sed deberent aliquid determinatè significare, si tamen attentis circumstantiis loci, temporis & personæ, vel interrogantis vel respondentis, aut quovis alio signo, humano modo perceptibili limitentur ad aliud significatum, non est restrictio purè mentalis, neque illicitum sic usurpare, si adsit gravis causa; & ita excusat *Carden.* illum, qui interrogatus, an latro hac transierit, statim manum in manicam inferit, aut stans in loco, figit signanter pedem super uno lapide, & dicit, non transiit hac, intelligendo, per manicam vel per illum lapidem, ad quod significandum dat sufficiens signum, quando statim ad interrogationem alterius advertenter ponit manum in manicam vel pedem ita figit super lapidem; quod autem alter signa illa non advertat, uti advertere poterat, sibi imputet.

¶. 7. Quando non sunt valde graves causæ ita restringendi, si fiat restrictio, præsertim ex parte solius respondentis, communiter erit purè mentalis adeoque illicita, v.g. Pater interrogat filium, fuistine in popina? non licet filio dicere, non fui,  
subintel-

subintelligendo, ita ut tibi constet, ut fateri debeam &c. Ratio est, quia ubi non sunt graviores causæ restringendi, interrogatio censetur fieri absolute secundum verba tantum; & sic habet commune judicium omnium hominum, nam interrogans habet Jus sic interrogandi, neque est supra humanam infirmitatem tum respondere secundum verba præcisæ ergo hæ circumstantiæ non sunt tales, ut possint censeri simul cum verbis constituere orationem manifestativam alicujus, quod in mente reservatur, ergo est restrictio purè mentalis & illicita.

290 §. 8. *Sanch. & Carden.* n. 32. putant, quando est aliqua justa causa, semper licitum esse uti verbis æquivocis in uno sensu, quamvis audiens puto meloqui in alio, v.g. *Si occiderim hominem Gallum, me posse dicere, quod non occiderim gallum,* intelligendo, *gallinaceum;* item quamvis Titius jam sit domi, *me posse dicere, Titius jam non est domi,* per Tò, *non est,* intelligendo, *non comedit;* item si aliquid non sciam evidenter, me posse dicere, non scio, quamvis omnino probabilissimè sciam, quia nempe non habeo scientiam de hoc, id est, conclusionem certam & evidentem deductam ex præmissis certis & evidentibus: sed doctrinam illam sic puto esse intelligendam, quod licitum sit uti verbis æquivocis, quando adeat causa rationabilis, dummodo per aliquid externum signum vel circumstantias humano modo cognoscibiles colligi possit aliqua determinatio talium vocum ad significandum illum conceptum, qui est in mente; ratio autem est, quia per se non est malum nec mendacium, cum voces de se sint aptæ plenè significare utrumque conceptum, ad significandum autem hunc præ illo determinantur per alia externa signa vel circumstantias: deinde non

non est Lex, quæ id fieri prohibeat, aut quæ præcipiat signa vel circumstantias omnino clare explicare, quando est rationabilis causa dissimulandi, tum enim satis est, quod illa omnia ponantur, per quæ hic determinatè conceptus mentis adæquate manifestetur & humano modo intelligi possit, quæ si tu non capias vel non advertas, hoc tribue tuæ ignorantia vel tarditati: Si absint tales circumstantiæ, sed adsint oppositiæ, hæ determinabunt ad oppositum sensum, adeoque si aliter intelligam, ero mendax. Sit exemplum, tu interrogas me, an sim *malesanus*, & intelligis, an malè valeam; ego habens causam rationabilem non fatendi me malè valere, indiquanti similis respondeo, non sum *malesanus*, & intelligo non sum stultus; neque per hoc mentior, neque pure mentaliter restringo, quia vox, *malesanus*, utrumque significat, & per indignationem determinatur ad significandum potius secundum mentem meam quam secundum tuam, si enim vellem ad mentem tuam respondere, nulla foret causa indignandi, uti suppono, sed simpliciter affirmarem vel negarem: quod si non darem signum indignationis, mentirer, quia verba sine illa circumstantia hic & nunc determinatè haberent alterum sensum. Nec refert, quod talis oratio etiam possit servire fraudibus, nam hoc orationi per accidens est, quæ de se habet talem significationem, ut humano modo ex signis, quæ pono, percipere possis sensum meum, & fraudem cavere.

§. 9. Quando adjuncta signa vel circumstantiæ 191 interrogationis faciunt orationem aliam, quam verba sonent, mentitur, qui responderet falso secundum sensum talis interrogationis,

N

6

194

Si nullo signo externo ostendatur, quod ad mentem interrogationis non detur responsio, ut probat Palay de Fide c.2, v.g. Catus Studiosus heri non fuit in Sacro studiosorum, hodie Professor Catus examinans absentias hesternas petit a Cajo, an fuerit heri in Sacro, Catus respondet, fui, & in mente intelligi, in summo Templo; dico Catum mentiri, quia si Professor expressè petivisset, an fuisse heri in Sacro studiosorum, mentitus fuisse dicendo, fui, atqui circumstantiae illæ examinantibus absentias hesternas ab hoc Sacro studiosorum simul loquebantur cum Professore, & constituebant orationem illam potenter, an fuisse heri in Sacro studiosorum, ergo si respondeat falso ad propositionem in illis circumstantiis factam, nullo alio signo dato, mentitur, & si hoc juret, pejerat.

292 §. 10. Si nulla adsit rationabilis causa restringendi, videtur saltem veniale sic restringere, quia est ad minimum otiosa locutio & deceptio, fidelitatem inter homines debitæ ac sinceritati aliquo modo opposita.

293 §. 11. Cum propositio 27. damnata dicatur, causa sufficiens utendi his amphiboliis &c, hoc ipso quod dicat, his amphiboliis, sufficienter significat, quod per amphiboliolas prohibitas intelligentur restrictiones illæ pure mentales, de quibus habebat propositio 26. immediatè antè damnata; additumque haec damnatio non esse licitum illis uti ob quamcunque necessitatem vel utilitatem.

294 §. 12. Ubi restrictio vel æquivocatio est licita, non est perjurium jurare talia esse vera, quæ dicuntur cum restrictione vel æquivocatione, quia per tale Juramentum confirmatur veritas, quam habet oratio, quæ tum licite usut patur, quomodo autem loqui possit Confessarius,

si interrogetur de peccato auditio, dicetur pluribus  
Lib. 6, quando de sigillo Confessionis.

§. 13. Secundum antè dicta debent nunc 295  
post damnationem propositionum relatarum  
limitari multa, quæ passim inveniuntur apud gra-  
ves Authores, quos referunt Wilh. Sandæus ad prop.  
26. damnatam, *Dicast. suprà.* *Moya* T. 2. d. 1. q. 6, qui  
ut & *Carden.* c. 6. cautè est legendus, quia quædam  
ponunt, quæ meritò limitari debent. Vide etiam  
*Vind. Gob.* P. 2. Prop. 21, ubi ex Scriptura & Ss. PP.  
confirmat, quæ diximus : Item vide *Vind. Tabernæ*  
ad prop. 11. pag. 58. & seqq. in Collectaneis, ubi  
plurimas citationes Auctorum refert pro licito usu  
restrictionum mentalium in certis circumstantiis,  
ut & æquivocationum, etiam in Juramento.

Q. 77. *An simulatio vel dissimulatio sit licita.* 296  
R. Certum est simulationem non esse licitam  
in administratione Sacramentorum, uti dicetur  
de Sacramentis : circa simulationes vel dissimula-  
tiones in aliis materiis.

§. I. Notandum est, quod simulatio propriè dicta 297  
seu formalis, non sit licita, quia est reale menda-  
cium, quod non committitur quidem verbo,  
sit tamen facto, perinde enim est si quis verbo  
sive facto significet aliud, quam quod in mente  
habet, cum factum & quæ possit esse signum mentis  
internæ, quam verbum, uti habet *S. Thomas* 2.2.  
q. III. art. 1. in O, tum autem dicitur esse simulatio  
propriè dicta & formalis, quando quis per facta  
externa intendit aliud significare, quam in animo  
sentiat, uti v. g. si quis poculo ori admoto  
simulet se multum bibere, cum tamen parum aut  
nihil bibat, intendens ut alii putent eum multum  
bibere ; item si exercitus aliquis fugiat, intendens

ut hostis putet eum esse timidum, cùm tamen timidus non sit; item si quis fingat se ire velle longius, intendens ut alii hoc putent, quamvis ipse cogitet ibi manere.

298 §. 2. Simulatio impropriè dicta seu materialis non est mendacium, sed (per se loquendo) est licita; tum autem est talis, quando quis exteriùs facit aliquid, prævidens quidem ab alio habendum pro signo alicujus rei, quam tamen ipse non intendit per hoc significare, sed ponit ex alio fine; sive quando quis dat signa externa de se indifferentia ad significanda plura, quia procedere posunt à diversis causis, per quæ signa præter intentionem aliqui decipi solent putantes procedere ab una causa, cùm tamen procedant ab alia: & sic potest aliquis poculo ori admoto parum aut nihil bibere, non intendens ut alii hoc judicent, sed volens declinare haustum, licet prævideat alios putaturos eum bibere; atque ita *Josue* 8. legitur, quod fugerit, non quia per fugam illam volebat significare metum, sed prævidens hostes fugam illam esse interpretaturos velut metum, voluit abire more fugientium, intendens ut cives urbis *Hai* per hoc longius abducerentur ab urbe, & reliqui milites *Josue* ex insidiis erumpentes irruerent in urbem, quod & factum est, recessus enim ille per modum fugæ factus poterat quidem provenire à timore, sed hic & nunc proveniebat à desiderio eliciendi hostes longius, & habendi meliorem occasionem victoriae: Similiter *Christus* *Lucæ* 24. apud *Emaus* finxit se longius ire, non intendens ut Discipuli hoc putarent, sed hoc prævidens, reipsa autem volens significare, aut se, quando ab eis ascensurus esset in cælum, velle retineri per hospitalitatem, ut ait *S. Augustinus*, vel

se longè abesse ab eorum Fide, uti habet S. Gregorius, vel se omnino iturum fuisse longius, nisi invitaretur.

§. 3. Simulatio materialis, si respiciat objectum <sup>299</sup> vel circumstantiam vitiosam, est illicita, uti si quis coram aliis stans ante idolum projiciat thus in thuribulum; quamvis enim ipse forte intenderet se odore illo recreare, & id facere potuisset, si fuisset solus, tamen in illis circumstantiis non tantum committeret scandalum, sed reipsa honoraret illud idolum: è contrà simulatio materialis quandoque respicit objectum & circumstantias omnino indifferentes, uti fuit illa *Josue & Christi Domini*, & tum dicimus non esse illicitam, dummodo tamen non deserviat ad injustam fraudem.

§. 4. Dissimulatio, per se loquendo, est licita; <sup>300</sup> tum autem est dissimulatio, uti innuit S. Th. suprà ad 4, si quis nec verbo nec facto det signum illius, quod habet in mente, sed ab illo quasi præseindat, uti si quis interrogatus an habeat pecuniam, faciat ac si non audisset, & de alia re quasi inadvertenter loqui incipiat, sique distrahat interrogantem; talis homo dissimulat loqui de pecunia. *Dixi*, per se loquendo licitam esse, nam posset esse illicita, si quis dissimularet cum scando vel cum injusto damno Proximi, vel quando loqui aut aperte agere deberet.

Q. 78. Quomodo excusentur mercatores, qui dicunt <sup>301</sup> vel etiam jurant se non posse tali pretio merces vendere: item merces sibi pluris constare, cùm tamen neutrum in rigore sit verum. ¶ Primi per hoc excusantur, quòd intelligent & satis sciantur significare velle, se non posse cum honesto & mediocri lucro ita vendere. Secundi per hoc excusantur,

quia quando dicunt sibi pluris constare, scimus, quod non intelligent nudè pretium rei emptæ, sed etiam computent, partim expensas, v. g. vecturæ aliásque, partim proportionalem partem sumptuarii, quos toto anno faciunt in suam communem negotiationem, hæc enim justè possunt venire nomine pretii, quo res ipsis constat, ita Gob. T. II. n. 672. Quod si locutiones eorum non essent in hoc sensu veræ, mentirentur; & si jurarent, pejerarent.

302 Q. 79. *An complementa sint mendacia, v. g. si quis dicat, sum indignus, infirmus, servus &c. &c. Licet complementa ab aliquibus vocentur completa mendacia, tamen mendacia non sunt, quia omnes sciunt, quod per ejusmodi formulas loquendi non intendamus strictum sensum, quem verba præferunt, sed tantum velimus honorem exhibere, vel affectum ostendere illi, ad quem diriguntur, unde si animus honorandi vel affectus aliquis adsit, erunt signa concordantia cum mente: itaque audiendus non est ille Casista, qui ante aliquot annos in publicis Thesibus Leodii dixit eum committere idolatriam, qui literis suis subscribit, *Sum servus ex toto corde*, eo quod soli Deo debeatur cor totum, nam illa verba inter homines significant solam debitam propensionem animi: quod si quis diceret verba complementorum, & non intenderet honorem exhibere vel affectum seu propensionem ostendere, probabilius est fore mendacium; excusari tamen posse putat Gob. n. 670, quia scimus sic loquentes nolle sibi credi, uti nec volunt sibi credi Poëtæ narrantes fabulas: deinde etiam nein potest hæc assertivæ & ex animo dici, sed tantum veluti modos loquendi ad urbaniter*

con-

conversandum, vel ad pascendas alterius aures,  
ideoque videntur à mendacio excusari posse.

## D U B I U M V.

*Quæc quanta sit obligatio  
juramenti promissorii.*

**R**EF. In Juramento promissorio duæ affir-<sup>cc</sup> 303  
mantur veritates; una de præsenti primaria,<sup>cc</sup>  
quod scilicet jurans habeat animum <sup>cc</sup>  
implendi, quod promittit: altera secundaria <sup>cc</sup>  
de futuro, quod scilicet impleturus sit suo tem-<sup>cc</sup>  
pore, quod promittit; sive promittat Deo, &<sup>cc</sup>  
est votum cum Juramento, sive homini, &<sup>cc</sup>  
est jurata promissio humana: unde oritur <sup>cc</sup>  
obligatio implendi, si rationabiliter possit.<sup>cc</sup>  
Ita communiter DD. V. Laym. L. 4. T. 3. c. 6. Bon. T. 2. cc  
d. 4. q. 1. p. 7. Unde resolvēs,

I. Defectu primæ veritatis jurans verè pejerat <sup>cc</sup>  
mortaliiter, si vel non habet animum implendi,<sup>cc</sup>  
sive materia sit parva sive magna; licita sive <sup>cc</sup>  
illicita: vel si dubitat, an facturus sit nec ne, quod <sup>cc</sup>  
jurat; vel si putet sibi moraliter impossibile,<sup>cc</sup>  
ut impleat, quod promittit: quia quoad istam <sup>cc</sup>  
veritatem præsentem, promissorium ab asser-<sup>cc</sup>  
torio non differt: unde nec parvitas materiæ <sup>cc</sup>  
excusat. *Ibidem.*

II. Defectu secundæ veritatis verè pejerat is,<sup>cc</sup>  
qui, quod promisit, postea non implet, si rationa-<sup>cc</sup>  
biliter implere potest. Id solùm hīc dubitatur,<sup>cc</sup>  
an qui promisit rem exiguum cum Juramento,<sup>cc</sup>  
ut v. g. dare alteri unum pomum, vel nummum <sup>cc</sup>  
pro eleemosyna, vel castigare prolem, vel <sup>cc</sup>  
inter

inter vendendum nolle se minori pretio vendere, vel nolle primum locum occupare aut praecedere in ingressu portar, &c, an inquam sub gravi peccato teneatur haec servare. Ubi speculativi quidem videtur quod sic; quia vere adductus est Deus ut testis quod sit facturus, ergo si sine causa non facit, quantum in se est, facit DEUM testem falsum, Cajet. Valen. Tolet. L. 4. Cap. 22, &c alii Nihilominus alii probabiliter tenent contra rium, ut Sanch. Vid. Laym. Cap. 14.

III. Illud certum est, quod si ex ea, quod jurasti, tantummodo parum aliquid non serves, non esse grave; v.g. si jurasti te non bibiturum vinum, non peccas mortaliter parum bibendo. Sanch. Mor. L. 4. c. 32. num. 21, quia tunc excusat parvitas materiarum. Et sic excusantur, qui jurant servare Statuta alicujus Capituli, Collegii, Universitatis, &c, si postea parvum aliquod Statutum violent. Et idem dicit de tabellionibus juratis, & aliis ministris Justitiæ; ut & de eo, qui ex summa, quam alteri se daturum jurasset, parum tantum detrahetur, Navar. Suar. Sanch. v. Laym. Bonac. p. 14.

IV. Obligaris probabiliter Juramento promissorio, et si extortum a te sit per injuriam ac metum; ut si oblitus uti aequivocatione, jurasti predonibus dare lytrum, usurario Usuram, Bec. 2. 2. q. 89. &c alii. Negat tamen Azor T. 1. L. II. c. 7. q. 2. in materia matrimonij, quia matrimonium coactum metu cadente in constantem virum, nullum est: hinc etiam Juramentum extortum de eo contrahendo, videtur relaxatum ipso Jure, ait Cajet. V. Perjurium. Suar. c. 9. Sanch. Bonac. p. 9.

V. Obligaris item, et si Juramentum sit errore aut dolo extortum, si dolus vel error versetur tantum

quantum circa circumstantias accidentales, non magni momenti; nam si versentur circa substantiam, ut v.g. si annulum te daturum alteri jures, putans esse ferreum, cum sit aureus, vel circa circumstantias magni momenti, quibus cognitis non jurasses, non obligaris, v. Sanch. L.3. Cap. 11. num. 42. Suar. & alios.

VI. Non inducit ullam obligationem, si jures rem malam, aut vanam, aut inutilem, aut, ut habet Cajet. indifferentem, quae nec ex fine, nec circumstantiis cohonestatur, quia Juramentum non potest esse vinculum iniustitatis aut vanarum rerum ac otiosarum, ad quas Deus non vult nos obligari. Bon. & alii communiter. Ubi nota ex Laym. c. 6. Juramentum non convalescere, et si talis res illicita & vana, postea mutatis circumstantiis fiat honesta, cum juxta regulam 18. Juris in 6. Non firmatur tractu temporis, quod initio non subsistit.

VII. Nec obligaris implere, si quid jurasti contra consilia Evangelica; ut non ingredi Religionem, non dare eleemosynam, &c. Molin. Sanch. Lay. l.c. Et licet peccaris talia jurando, non tamen peccas non implendo. Vid. Cajet. V. Perjurium.

VIII. Teneris implere, nec potes commutare in aliud opus melius, ut v.g. Religionem, si aliquid jurasti in utilitatem aut gratiam alicujus hominis aut aliquorum, dummodo sit honestum, & sine peccato impleri possit: Unde v.g. Alumnus, qui juravit se serviturum Principi aut huic vel isti Ecclesiæ, &c, non potest ingredi Religionem sine relaxatione. Excipe tamen, si jurasses Titiæ, eamducere: nam eo casu potes eâ reliqua ingredi Religionem, quia Juramentum sortitur naturaliter actus, cui apponitur; promissione autem

N<sup>o</sup> 5

matris

matrimonii hæc tacita conditio inest, nisi ingre-  
derer Religionem. Vid. Laym. c. 6. Bonac. Tom. 1.  
de matrim. q. 1. p. 5.

*Resp.* II. Juramentum promissorium  
eandem habet conditionem, eodemque modo  
explicandum est, quo promissio vel propositum,  
cui est annexum. Ratio, quia accessorium sequi-  
tur principale, ideoque quando non obligat  
promissio, nec obligat Juramentum appositum.  
Leß. L. 2. c. 42. d. 4. Bonac. p. 16. Trull. L. 2. c. 1. d. 17. n. 1.  
*Unde resolvēs,*

I. Titius, qui cum Juramento promisit nuptias  
Bertæ diviti, sanæ, virgini, bonæ famæ &c,  
non tenetur stare Juramento, postquam Berta  
incidit in paupertatem, infirmitatem, fornica-  
tionem, vel infamiam: quia promissio ipsa  
non obligat eo casu.

II. Qui urbanitatis causâ juravit se ante alte-  
rum non sessurum, babiturum, vel ingressurum  
donum, &c. non peccat contra Juramentum,  
si coactus ab altero prius sedeat, bibat, vel ingre-  
diatur; tum quia promissio illa vel propositum  
habet tacitam conditionem adjunctam (nisi me  
coegeris) quâ sublatâ non obligat & consequenter  
nec Juramentum: tum quia relaxatur ab altero  
cedente Juri suo, Bon. l. c. Sanch. Leß. n. 22. Trul. n. 5.

III. Qui juravit se servaturum Decreta &  
Regulas, vel Statuta alicujus Congregationis,  
Universitatis vel Capituli, tantum tenetur  
servare ea, quæ sunt in vigore, & quatenus sunt  
in usu, vel servantur à majore parte Capituli;  
nisi tamen aliud constet de mente jurantis, vel  
hic voluerit se ad illa independenter à Statutis  
obligare. Ratio patet, quia promissio ipsa non ali-  
ter obligat. Trul. n. 8. Az. Leß. l. c. Dia. p. 2. Tr. 6. R. 39.

IV.

IV. Qui juravit se servaturum secretum, non peccat contra Juramentum, illud detegendo, quando non potest illud celare absque gravi suo vel alterius damno, quia ipsa promissio secreti non videtur obligare, nisi hac conditione, (si non noceat.) *Sylv. Bonac. Sanch. Trul. n. 9.*

V. Qui juravit Judici se dicturum; quæ novit, non tenetur revelare occulta. Ratio patet. *Leß. Bonac. Trull. num. 13.*

VI. Qui juravit se soluturum debitum intra mensem, non tenetur intra illum vi Juramenti solvere, si à creditore terminus solutionis prorogetur, quia cùm hic cedat Juri suo, cessat obligatio promissionis, & consequenter Juramenti, *Azor, Bonac. Trull. n. 18.*

## A D D E N D A.

Q. 80. *An in juramento falso detur parvitas* 304  
materiae. R. §. I. In assertorio non datur, uti cum S. Th. & aliis habet Busenb. relatus n. 263. & 303, quia sic jurans vult, ut DEUS testetur falsum, adeoque ut fallat aut fallatur, quæ est gravis irreverentia, hinc *Innoc. XI.* damnavit hanc 24. prop: *Vocare DEUM in testem mendacii levis non est tanta irreverentia, propter quam velit aut possit damnare hominem.*

§. 2. De Juramento promissorio est aliqua difficultas, nam licet res jurata sit levis, tamen si postea non impleatur, plures apud Busenb. & cum Leß. de Just. L. 2. c. 42. d. 5. dicunt semper esse mortale, quia quantum in se est, facit Deum fuisse testem falsi, voluit enim, ut Deus testaretur aliquid futurū, quod tamen ipse impedit, ne sit futurum, ergo facit Deum fuisse testatum aliquid falsum, in quo videatur esse gravis irreverentia, non minùs, quam si faceret DEUM testari falso præsens, & hæc

hæc sententia est probabilis, quam Cajet. & Covani limitant, & dicunt, si jurans nihil ponat de re promissa, tum fore mortale, si autem aliquid de ea ponat, fore veniale tantum, v.g. si jurârit se oratum Pater & Ave, si neutrum oret, dicunt fore mortale, quia deficit tota veritas propositionis, si autem alterutrum oret, dicunt fore tantum veniale, quia ex illa parte non deficit veritas Juramenti: sed hæc posterior limitatio parum probabilitatis habet, nam qui promisit orare & patrem & ave, si alterutrum omittat, tota propositio copulativa est falsa, uti suppono ex Logica, ergo si in uno casu deficit veritas, & ideo est mortale, etiam erit in altero: hinc Authores alii longè plures cum Castrop. T. 14. D. 1. P. 6. n. 8. Illsung T. 5. n. 51. Carden. in 2. Crisi d. 17. n. 19. multò probabilius dicunt, si materia Juramenti sive materia propositionis sit gravis, & deficit justa excusatio, fore mortale non implere, è contrâ si sit levis, fore tantum veniale; ratio est, quia qui non implet, non mentitur, uti expressè S. Th. 2.2. q. 110. art. 3. ad 5, cùm nihil loquatur contra id, quod gerit in mente, ergo tantum peccat contra fidelitatem, peccatum autem contra fidelitatem in re levi, est leve tantum, uti cùm communī recte docet Lugo de Just. d. 23. n. 92. Unde ad fundamentum Lessui dicendum est, quod talis homo non faciat Deum testem mendacii aut falsi formalis, sed materialis tantum, in quo præcisè non est irreverentia, nam qui jurat aliquid re ipsa falsum, quod tamen putat verum, etiam facit Deum esse testem falsi materialis, & tamen non peccat. Confirm. Nam jurans volebat se obligare, & promisum implere, quamvis autem non impleat, non ideo Deus est vocatus in testem falsitatis cognitæ, sed ignoratæ, ergo non est

voca-

vocatus in testem falsitatis formalis, sed materialis tantum. Opponit Dicast. de Juram. d. 2. n. 162, Deum invocari velut testem & fidejussum veritatis futuræ, hic autem fieri testem & fidejussum falsitatis consequentis, quod videtur semper grave. R. Tantum vocari in testem voluntatis præsentis adimplendi promissum, & in fidejussum obligacionis, quæ semper est, sed ratione materiæ potest esse gravis vel levis. Vide dicta num. 262.

Q. 81. *Utra obligatio sit major, voti an juramenti.* 306

R. Multi Canonistæ apud Suar. hic L. 2. c. 3. num. 1. censent obligationem utriusque esse parem, sed 1. Probabilius est majorem esse obligationem voti quam Juramenti promisorii, quod homini fit, ita S.Th. 2. 2. q. 89. art. 8, quem plerique sequuntur cum Suar. num. 7, partim contra istos Canonistas, partim contra Med. & alios. Ratio est, quia per votum fides directè datur Deo, non autem per Juramentum promisorium homini factum, obligatio enim directè non fit Deo, sed DEUS tantum adducitur ut testis promissionis de aliquo futuro, ergo votum magis directè respicit Deum, ergo violatio voti erit magis contra DEUM, adeoque major illius injuria. Dixi, quod homini fit, propter dicenda n. 328. 355. 555. 2. Juramentum assertorium videtur magis obligare quam votum, ita Suar. n. 5; ratio est, quia obligatio Juramenti assertorii est ex præcepto negativo obligante ad non attribuendum Deo falsum, quod si fieret, foret gravissima Deo injuria; obligatio autem voti est ex præcepto affirmativo me obligante ad reddendum hoc, quod Deo promisi, quod si non faciam, censebor esse irreverens Deo, sed non inferam tantam injuriam, quantam inferrem, si facerem esse testem falsi; & idem tenent

Less.

*Less.* suprà num. 53. *Sanch.* hìc L. 3. c. 9. num. 4.  
*Dicast.* de Juram. d. 3. n. 20.

307 Q 82. *Quomodo Juramenta sint interpretanda.*

R. Ferme eodem modo, quo vota, de quibus vide dicenda à n. 381: unde 1. Qui dubitat, an juraverit, non obligatur, quia libertas est in possessione contra Juramentum, ita plurimis citatis *Dicast.* num. 393: idem est, si certus sis te asseruisse aliquid facturum per verba ambigua & dubia, sintne jura toria nec ne; si etiam dubites de intentione tua, uti cum *Caj. Covar.* & aliis tenent *Suar.* L. 2. c. 33. n. 3. *Lugo* de Just. d. 23. n. 110, quia libertas adhuc manet in possessione, sique etiam in mihiorem partem resolvit ejusmodi dubium Pontifex *Cap. Clericus.*

308 35, de Jurejurando. 2. Qui certus est se verba jura toria dixisse, sed negativè dubitat de intentione se obligandi; aut etiam dubitat, an sciverit vel cogitaverit de obligatione inde consurgente, vide tur obligari, si scivit, quid sit jurare, quia posse sio est pro Juramento, quod talem obligationem trahit, ita *Suar.* n. 4. *Sanch.* aliique cum *Lugo* suprà,

309 *Dian.* P. 9. T. 8. R. 17. 3. Qui scit se jurâsse, & dubitat, an impleverit, adhuc obligatur, uti rectè cum communi *Suar.* n. 7, quia Juramentum est in possessione, & obligationi certæ non fit satis

310 per solutionem dubiana. 4. Quando dubium est, an materia Juramenti sit licita nec ne, interpre tatio ita est facienda, ut si in aliquo sensu possit Juramentum esse de re licita, in illo factum esse credatur, etiamsi de intentione jurantis non certo constet, hoc enim postulat reverentia debita Juramento, ne sit vanum aut dicatur factum de re illicita, quod præsumi non debet; si autem Juramentum nullo sensu possit esse de materia licita, non obligat, uti rectè *Suar.* num. 8, quia non debet impleri

sum periculo peccandi. 5. Quando materia Juramenti videtur esse illicita, & dubium solvi non potest post adhibitam diligentiam, opus est dispensatione saltem Episcopi, uti cum S. Thoma & aliis docent Suar. num. 9. & Dicast. n. 398, qui tamen n. 401. addit, non esse improbabile, quod tale Juramentum possit non impleri, etiam non petitâ dispensatione, hinc Sotus putat S. Thomam dixisse hoc tantum pro consilio, notatque Dicast. n. 399. secundum illa sua principia, etiam in aliis dubiis, quæ se tenent ex parte jurantis, non esse opus dispensatione. 6. Juramentum est interpretandum secundum consuetudinem vel sensum communem Doctorum, hinc inquit Dicast. n. 358, citans plures alios, qui promovetur ad Licentiam, & jurat non accipere Gradum Doctoratus in alia Academia, hoc intelligit virtute illius Licentiæ, illi autem integrum est in alia Academia iterum gradum Licentiæ & Doctoratus simul accipere, cui sententiæ etiam favet Sanch. L. 4. c. 6. n. 5. & 6. 7. Juramentum ita interpretandum est, ut non sit cum alterius incommodo & detimento, unde qui juravit se servaturum secretum, non tenetur servare, si id esset graviter noxium aliis vel ipso, si quahdo juravit, non præscivit nec cogitavit fore noxium, ita Sanch. L. 3. c. 17. n. 25. Dicast. n. 362, citans plures, & habet Busenb. suprà. 8. Juramentum de servandis, v. g. Statutis, non extenditur ad Statuta facienda, sed tantum ad antiqua, Suar. Sanch. & alii cum Dicast. n. 365, & clarè habetur Cap. Clericus, 35, de Jurejur. 9. Promissio etiam jurata, quam observari vel non observari non magnopere interest ejus, cui facta est, nunquam ita dure est interpretanda, ut etiam cum gravissimis incommodis obliget, neque præsumendum, quod

quod mens promittentis vel acceptantis promissio-  
nem fuerit, ut in omni eventu subiesteret obligatio-  
ne, promissiones enim habent multas tacitas  
conditiones ex Jure vel hominum consuetudine  
vel prudentum interpretatione, ita Less. in Auct.  
v. *Juramentum casu 4.*

315 Q. 83. *An verum sit, quod juramentum sequatur*  
*naturam actus, cui adjicitur.* R: Universaliter  
non est verum, ita Dicast. d. 3. n. 411. & patet  
Quia Juramentum saepe est validum, licet cadat  
super actum invalidum, v. g. super promissionem  
injuste extortam a latrone, ut pluribus explicabitur  
in p. 2. n. 727. & in q. seq. insinuabitur.  
Actus de se potest esse revocabilis, ut propositum  
faciendi aliquid, & tamen Juramentum  
cadens super illud propositum est irrevocabile &c.  
Dicendum itaque cum Less. de Just. L. 2. c. 42. n. 32.  
& Suar. I. 2. c. 32. n. 5, quod Juramentum sequatur  
naturam actus, qui juratur, non quoad obligatio-  
nem, nec quoad esse firmum vel irritum, sed  
quoad sensum verborum, quoad rationem liciti  
vel illiciti; item quoad alias conditiones tacitas  
seu limitationes, quas contractus ex Jure vel  
consuetudine contrahentium includit. Videri  
potest Illung T. 4. D. 3. N. 233. & T. 5. num. 64.  
Quomodo autem explicandum sit illud, accesso-  
rium sequitur principale, dicetur p. 2. n. 727.

316 Q. 84. *An juramentum illicitum possit obligare?*  
R. §. 1. Juramentum homini factum, licet in se  
sit illicitum, vel fuerit prohibitum, aut etiam  
Jure naturali invalidum, potest obligare  
ex virtute Religionis, si sit de re licita, ita  
Mol. de Just. T. 2. d. 510. & T. 6. d. 35. & T. 1. d. 149. & 153.  
Suar. c. 24. à n. 2. Sanch. L. 3. c. 9. à n. 22. Ratio est,  
quia interponitur testimonium divinum

pro futuritione rei, quæ licetè fieri potest, ergo postulat reverentia, ut impleatur.

§. 2. Juramentum de re licita homini factum 312 ob malum finem, tum tantum obligat, quando peractum est crimen, & nulla supereft malitia in præstanta materia promissa; non autem obligat, si sic obtinendus esset finis malus, *Sanch.* n. 28. *Tamb.* L. 3. c. 3. §. 5. n. 18; hinc si jurasti meretrici dare pretium pro illicita copula, teneris rescindere Juramentum ante patratum crimen, si tamen crimen patrasti, teneris solvere pretium, quia hæc solutio in se mala non est: aliud est de solutione pretii simoniacè promissi, hæc enim manet in se mala & prohibita.

§. 3. Si jurasti principaliter ob finem bonum, 318 sed simul impellente fine malo, v. g. jurasti dare eleemosynam ex charitate, sed impellente simul vanâ gloriâ, omisso impulsivo malo teneris dare eleemosynam, quia Juramentum est de re licita, & potest impleri sine peccato, ita cum aliis *Busenb.* referendus num. 399.

§. 4. Si jurasti donare aliquid per donationem 319 prodigam, probabile est cum *Sot.* *Suar.* & aliis te teneri tantum ad illam partem, quæ non est prodiga: etiam probabile est cum *Molin.* & *Sanch.* num. 27. te teneri ad totum, quia licet ex modo promittendi sit culpa, tamen non est ratione rei promissæ, & licet fuerit prodigalitas in prima promissione, non ideo est in executione rei promissæ, quam cohonestant promissio ipsa & juramentum: *Tamb.* n. 20. putat etiam probabile esse, quod ad nihil teneris, quia indivisibiliter censeris totum promisisse, ad totum autem non teneris, quia exequenteris prodigalitatem in honestam. Hæc sententia videtur minus probabilis,

O

prima

prima autem probabilius. Vide dicenda p. 2. n. 79.

**320** §. 5. Juramentum, quo amatus & amata jurant se non permisuros tactum ab alia persona, secundum Sanch. c. 15. num. 17. obligat, quia est de re licita, nam honestum est non tangi ab alio; secundum Fag. Tamb. §. 3. n. 3. Dian. P. 9. T. 8. R. 9. non obligat, quia tendit ad firmandam malam amicitiam: sed dicendum est id pendere ab eorum intentione, nam si fiat ad firmandam malam amicitiam, posterior sententia est vera; si ad cavendum ne cum aliis commisceantur, prior est tenenda.

**321** Q. 85. *An qui fictè juravit, seu nolens se obligare, re ipsa obligetur.* R. Busenbaum relatus n. 275. in fine, Sanch. c. 10. n. 8. Castrop. T. 14. D. 1. P. 8. N. 8, itemque alii apud Dicast. d. 2. n. 286. & d. 3. n. 322. negant, quia fictum juramentum non est juramentum; idem cum plurimis aliis tenet Dicast. num. 339, quia obligatio, quæ à voluntate penderet, est de essentia, vel saltem proprietas metaphysica Juramenti, ut diximus n. 276. & 279; è contrà S. Th. 2. 2. q. 89. a. 7. ad 4. Valent. Cajet. Sot. Covar. Suar. L. 2. c. 7. n. 11. aliqui apud Dicast. n. 314. & 338. affirmant, eo quod putent obligationem sequi ad externam assertionem verborum, neque contrahi per intentionem, sed per deliberatam verborum attestacionem; quod Vasq. extendit etiam ad simplicem promissionem factam sine animo se obligandi, quamvis hoc communius negetur; saltem (dicunt alii) obligationem Juramenti, quæ oritur ex virtute Religionis, non pendere à voluntate jurantis, uti penderet obligatio promissionis & voti, sed Jure naturali esse annexam ac inseparabilem à Juramento externo, probatque S. Thomas verbis Isidori, quacunque arte verborum quis juret, Deus tamen, qui conscientia testis est, ita hanc accipit, scimus ille, cui juratur, intelligit:

unde etiam hæc sententia valde probabilis est: manet autem certum, quod fictum juramentum obligare possit, non tantum ratione scandalī, sed etiam ex Justitia, ratione damni, quod alter ex talī dolo pateretur, uti omnes docent cum *Dicast. suprà & Sylv. in Ref. Cas. p. i. v. Restitutio, Cas. i*; attamen his sententiis non obstantibus docet absolute *Illiſ. T. 5. num. 56*, fictè jurantem tum tantum obligari, si Juramentum sit dolosum, id est, contra Jus alterius, quia nempe ex Justitia tenebatur serio jurare; hinc dicit fictum juramentum nunquam causare obligationem ex virtute Religionis, sed solius *Justitiæ*, quæ sententia etiam probabilis est.

**Q. 86. An Juramentum obliget, si opponatur priori juramento.** *R. §. 1.* Unum Juramentum potest opponi alteri, vel in actu jurandi, vel in materia jurata: Tum opponitur in actu jurandi, si v.g. priùs jurâsti te nunquam amplius juraturū, nam si postea iterum jures, te, v.g. daturum eleemosynam, hoc Juramentum opponitur primo, non quoad materiam, priùs enim Juramentum non fuit circa eleemosynam, sed tantum quoad actum jurandi. Tum opponitur in materia jurata, si illam materiam, quam priùs jurâsti facere, postea jures non facere, vel contra, uti quando jurâsti dare eleemosynam, si postea jures non dare: hoc notato,

**§. 2. Si posterius Juramentum opponatur priori** *tantum in actu jurandi, posterius obligat, quia est de materia licita: Si autem opponatur in materia jurata, non obligat, quia materia illius est per prius Juramentum redditia illicita, ita Sanch. c. 9. num. 26. Castrop. d. 2. p. 7. §. 6. Tamb. §. 5. n. 7;* hinc si jurâsti matrimonium Cajæ, & postea etiam jures Titiæ, hoc secundum est irritum; immo licet non jurâses,

Oz

sed

sed tantum promisisses Cajæ, Sanch. de matr. L. d. 50. n. 2. adhuc dicit Juramentum illi promissioni oppositum fore irritum, quia materia per obligationem promissionis erat redditus illicita, usque si Caja tibi postea remitteret primum Juramentum vel promissionem, non obligareris Titiæ, quia quod initio invalidum est, tractu temporis non convalescit, uti habet communis regula Juris. Si tamen tales posteriores contractus impleantur, sunt validi, quamvis sint illiciti, uti habet communis & vera sententia cum Sanch. Tamb. n. 9. & aliis, quia per Juramentum non tollitur potestas faciendi actum, qui alias poterat valide fieri. Vide *Dicast.* d. 3. à num. 199.

324 Q. 87. *An Juramentum alteri factum obliget, si hoc, quod jurasti, obstat fini perfectiori.* R. Affirmant Authores communiter, quia in promissione semper spectatur, quod gratius est illi, cui fit promissio, cum autem homini saepe gratius sit minus bonum, Juramentum de minori bono homini factum obligat, si tamen sit acceptatum, secundum dicenda n. 358. & iterum à num. 532.

325 Hæ tamen limitationes addi possent: 1. Si matrimonium liberaliter jurasti, non teneris, si velis ingredi Religionem, uti omnes docent cum Castrop. d. 2. p. 6. n. 10; si tamen sacros Ordines tantum velles suscipere, non essemus liber, uti notat Tamb. §. 3. num. 16, quia promissio tua ex dispositione Juris non habet aliam conditionem, quam hanc,

326 nisi Religionem elegero. 2. Si jurasti alia, quam matrimonium, quæ obstant ingressui in Religionem, v. g. si jurasti te famulaturum toto tempore vitæ, Tamb. n. 14. putat te non obligari, quia si conditio illa, nisi elegero Religionem, involvatur in Juramento matrimonii inerendi,

multo

multò magis involvetur in ceteris promissionibus, sed opportum videtur verius, nam quod illa conditio involvatur in promissione matrimonii, non est ex Jure naturæ, sed politivo, quod de aliis promissionibus nihil simile disposuit; & ratio potuit esse, quia matrimonium adfert vinculum minus dissolubile, uti insinuat *Suar. L.2. c.12. n.17.*

3. Si matrimonium jurasti ex Justitia, v. g. quia <sup>327</sup> deflorasti virginem, obligaris, nec poteris ingredi Religionem, *Tamb. n.15.* aliique communiter, quia Jura id tantum statuunt de liberali promissione.

4. Si juratus liberaliter promisisti alteri famulatum <sup>328</sup> vel aliud quid simile, putat *Sanchez*, teste *Tamb. n.16.* te liberari, si velis Ordines sacros suscipere, quia tales promissiones non sunt tanti momenti, ut Ordinibus suscipiendis obstare debeant; sed & hoc difficulter probari potest, cum de hoc nulla adferatur Constitutio Juris; de Jure naturæ autem talis conditio non est imbibita, nec supponitur fuisse inclusa ex intentione jurantis, nisi hic aliter sciat. Dixi in quæstione, *Juramentum alteri factum*, nam Juramentum de opere honesto sed minus bono in Dei præcisè honorem & non in utilitatem hominis, non inducit obligationem, si oppositum est melius vel si ei opus melius substituatur, quia tum habet se uti votum, quod imbibit conditionem, nisi quid melius occurrat, ita communis cum *S. Tb. 2. 2. q.89. art.7. ad 2. Ills. T.5. n.59.* & pluribus dicetur n.355.

Q 88. An Juramentum obliget, quo quis jurat <sup>329</sup> non revelare artem, v.g. curandi podagram. R. Tum non obligat, si nec tu nec ille, qui te docuit, satis potest providere necessitatì & bono communi, aut si ars illa vobiscum emoreretur, ita *S. Them. Suar. Fag. cum Burgh. Cent. 1. Cas. 75.*

O 3

Ratio

Ratio est, quia est contra charitatem nolle artem talem revelare aut ad posteros transmittere; quamdiu autem tu & ille potestis providere bono communi, teneris celare, usque ad finem vitæ, si tibi supervivat alter, ne injustè impediatur lucrum illius, qui te docuit, ita Tambur. §. 5. n. 65. Gob. T. II. n. 555.

330 Q. 89. *An qui juravit non revelare secretum, si a Judice vocetur in testem, possit dicere veritatem.*

R. Affirmant Juristæ, Glosf. Panorm. Felin. Jaf. aliique, quos refert & sequitur Frid. Hiltropff in proœss. judic. p. 3. T. 18. n. 34. Rationem dant, quia Juramentum, si obstat mandato Superioris, item si sit de non præbendo veritati testimonio, est contra bonos mores, ergo jurans non poterat velle se obligare ad tumracendum, quia celans ejusmodi veritatem peccaret mortaliter, uti Jura & Authores docent apud eundem n. 33.

331 Q. 90. *Si quis alteri nescienti promittat & juret se daturum aliquid, an obligetur.* R. §. 1. Si jurasti servare promissionem, quâ promittis dare aliquid alteri, Juramentum obligat stante promissione, hac autem cesante non obligat, nec cadit immediatè in executionem rei, sed in observantiam promissionis, unde si promissio non insinuetur ei, cui facta est, aut si prius revocetur, aut si non acceptetur, aut si acceptata legitimè tollatur, cœsat obligatio Juramenti, neque qui sic juravit magis tenetur aperire promissionem, quam si non jurasset. Neque ideo Juramentum fuit frustraneum, nam erat ad inducendam obligacionem absolutam, si contingeret promissionem legitimè acceptari. Vide dicenda p. 2. à n. 666.

332 §. 2. *Si absolutè jurasti te daturum, Juramentum cadit immediatè in executionem rei,*

nec est opus acceptatione, sed teneris rem exequi,  
ne D E U M falsi testem facias; teneris præterea  
inſinuare promiſionem & offerre rem; si tamen  
alicer recuſet, es liber, quia inerat conditio, si alter  
acceptet; an autem promissoriè an absolute  
juratum fit, colligendum est ex verbis, vel  
resciendū ex intentione jurantis, ita quoad omnia  
Suar. L.2. c.1.n.13. & c.12.n.21. Sanch. de Matr. L.I.  
d.7. n.24. & 25, in Dec. L.3.c.9.n.10. Leſſ. in Auſt.  
v. Juramentum. Cas. 1. & 3. Item de Juſt. L.2.  
c.7.n.52. & 53. Item c.42. n.22. Tambur. §.3. n.13.  
aliique.

Q. 91. Si moroso debitori jurasti rem mutuo acceptā 333  
reddere, an tenearis. R. Negant Tambur §.5. à n.35.  
& Gob. n.559. dicentes te posse retinere in compe-  
nſationem debitū, etiam ante mutuationē contractū,  
ſi aliter ſolutionem obtinere non possis, citantque  
multos Juristas & Theologos; & ratio potest eſſe,  
tum quia mutuum ex voluntate mutuantis transit  
in dominium mutuatarii, qui non tenetur ſe  
iterum illo exuere, tum etiam quia mutuant  
vicissim remittit Jus exigendi debitū, ergo  
æquivalenter reddit illud, quod accepit, atque ita  
implet premissionem. Mol. Lugo de Juſt. d.16.n.117.  
Sporer T.5.c.5 n.79. diſtinguunt & putant, ſi tantū  
jurāris ſolvere debitū, te posſe retinere ob ratio-  
nem jam datam; ſi autem ſimul juraveris  
non compensare, te retinere non posſe: ſed videtur  
absolute dicendum cum aliis, quod tenearis red-  
dere, ſicuti teneris ſolvere pecuniam latroni  
cum Juramento premissam, quia per tò reddere  
vel ſolvere, intelligebas (utī ſuppono) non retinere,  
ſed iterum conſignare in ejus potestatē ac diſpo-  
ſitionem, hoc autem Juramentum eſt de re licita,  
ergo reverentia exigit, ut impleatur.

O 4

Q. 92.

§34 Q. 92. Si Reus ad tempus emisus juravem  
se redditum in carcerem, an ad hoc teneatur.

R. §. 1. Si carcer est justus, tenetur, quamvis adesse  
periculum mortis, ita *Suar. Vasq. Sanch.* c. II. n. 25.  
*Castrop.* d. 2. p. 4. n. 13. *Tamb.* §. 5. n. 29. *Gob. num.* 511.  
aliisque passim: è contrà si carcer sit injustus, *Vasq.*  
aliisque multi apud *Dia. P. 9. T. 8. R. 57. P. 11. T. 2. R. 35.*  
item apud *Castrop.* n. 14. & apud *Sanch.* n. 26. & 27.  
negant teneri, unde & *Bonaßp. de Just.* d. 4. n. 64. dicit  
etiam posse fugere, licet jurârit se non fugiturum,  
tum quia temerarium est se sine causa objicere  
morti, tum quia status rerum mutatur,  
quando enim jurabat, non erat præsens occasio  
fugiendi, quæ postea est; *Suar. Laym. Less. Bonac.*  
*Gob.* n. 513. aliique dicunt tum teneri non fugere  
& teneri redire, si jurârit, quia Juramentum est  
causa gravissima excusans, ne dicatur temerè expo-  
nere vitam, exponit enim in reverentiam Jura-  
menti facti: Limitant *Sanch. num. 34. Castrop. n. 16.*  
*Tamb. n. 33.* aliique, si quando juravit, non prævidit  
mortem vel alia gravia pericula, quæ postea  
prævidet, quando est occasio fugiendi aut  
non redeundi: imò *Covar.* & alii absolutè docent  
peccare, si tum non fugiat vel si redeat in talia peri-  
cula: poterit tamen Episcopus relaxare hoc Jura-  
mentum, si injustè sit postulatum, uti fatentur  
omnes; imò si justè fuit postulatum, adhuc putant  
aliqui posse relaxari, sed probabilius negat  
cum aliis *Castrop. n. 17,* quia ageretur contra Jus  
Judicis & custodum.

§35 §. 2. Si quis, etiam injustè captus ab infidelibus,  
jurâset se redditum vel misurum pretium  
redemptionis, hoc Juramentum à nemine  
posset relaxari, sed observandum esset, quia  
neglectus ejus vergeret in detrimentum Eidei

& in despectum Religionis Christianæ, quæ fœd  
fragos reciperet, ita Cajet. Suar. Sanch. & alii  
apud Dian. & Castrop. num. 18.

Q. 93. Ad quid teneatur, qui juravit nunquam v.g. 336  
ludere chartis, vel nunquam bibere vinum. R. Ad hæc  
postea respondebitur devoto à num. 452. & 459,  
est enim ferme eadem ratio de voto & juramento.

Q. 94. Quomodo obligatio Juramenti dicatur esse 337  
personalis. R. Obligatio Religionis contracta  
per Juramentum est personalis, quantum est  
ex parte jurantis, non tamen quantum est  
ex parte illius, cui juratur, ita Dicast. d. 3. n. 421.  
& 427. Sanch. L. 3. c. 3. §. 7. n. 1. Gob. n. 648. &  
alii passim. Dixi, obligatio Religionis, quia aliunde  
ex Justitia vel speciali Statuto potest adesse obliga-  
tio ex parte jurantis, quæ etiam ad hæredes  
transeat, unde

§. 1. Si Cajus pro se & suis hæredibus juravit 338  
quotannis dare Titio centum, hæredes Caji  
non tenentur ex vi religionis, hæc enim obligatio  
non contrahitur, nisi à jurante; teneri tamen poten-  
runt ex alio titulo, v.g. Justitiæ, si Titius promissi-  
onem illam acceptârit, quia tum Titius acquirit  
Jus, & Cajus tenetur debito, hæres autem repræ-  
sentans personam Caji tenetur ad ejusdem debita  
realia.

§. 2. Si Cajus Deo juravit dare eleemosynam 339  
pauperibus, hæres Caji ad hoc tenebitur ex Justitia,  
non quod pauperibus sit acquisitum Jus, sed vel  
quia Deus veluti altera pars contrahens acceptavit  
promissionem illam in utilitatem pauperum, uti  
vult Sanch. n. 5; vel potius ex speciali dispositione  
Juris tam civilis quam canonici, uti refert Castrop.  
num. 2, quod statuit, ut hæreditas non adeatur,  
nisi sub conditione exequendi Juramenta

& vota realia defuneti, quæ non sunt per injuriam extorta.

340 §. 3. Si Cajus juravit latroni dare centum hæres Caji ad nihil tenetur, quia latro injuste cogens Jus nullum acquisivit, ergo fuit sola obligatio Religionis, quæ ad hæredes jurantis non transit, ita *Sanch.* & *Castrrop.* suprà. *Tamb.* num contra Abbatem.

341 §. 4. Qui Titio acceptanti juravit, tenetur id præstare hæredibus Titii, quia Titius Jus acquisivit & actionem contra jurantem, hæredes autem veniunt in Jura & actiones ejus, cuius sunt hæredes, *Sanch.* n. 6. *Lay.* L. 4. T. 3. c. 10. n. 5. *Castrrop.* n. 3. *Tamb.* n. 6. *Gob.* & alii passim.

342 §. 5. Si jurans in favorem Titii noluisset se obligare Titio, sed soli Deo, hæredes Titii nullum Jus vel actionem haberent contra jurantem, cum Titius ipse non haberet; Similiter hæredes latronis nullum Jus vel actionem habent contra jurantem, quia nec latro haberet; unde videtur probabile, quod qui sic jurasset, non obligaretur hæredibus Titii vel latronis. Nec refert, quod hæres ex dispositione Juris censeatur esse eadem persona cum eo, cuius est hæres, nam hoc tantum est, ubi Jus ita disponit, seu in ordine ad Jura & actiones, quæ transire debent ad hæredem, hic autem nullum erat Jus vel actio in Titio aut latrone, quæ ad hæredem posset transire.

343 §. 6. Si Cajus juravit non repetere debitum à Titio, *Azor* L. II. c. 8. q. 5. putat Cajum posse repetere ab hæredibus Titii, sed melius negat *Sanch.* n. 4, tum quia Titius videtur fuisse absolute liberatus à debito, ergo & hæredes; tum etiam, quia obligatio Juramenti transit ad hæredes ejus,

cui ill

cui juratur, saltem quoad Jura & actiones justas  
huic competentes.

§. 7. Qui ratione officii Juramento se obstrinxit 344  
ad aliquid, si dimittat officium, absolvitur Jura-  
mento, quod officio erat annexum, *Sanch. n. 10*;  
similiter qui alicui personæ juravit obedientiam  
propter officium vel dignitatem, quam illa habe-  
bat, si persona, cui juravit, amittat dignitatem,  
non amplius illi tenetur, attamen tenetur ejus  
succesori eandem dignitatem habenti. *Nec obstat*,  
quod aliquando Juramentum exigatur à succes-  
fore, nam hoc est ad majorem solemnitatem vel  
ad renovandam memoriam, *Sanch. à n. 7. Laym.*  
*Castrop. Gob. suprà.*

§. 8. Juramentum ex neutra parte est ita perso- 345  
nale, quin possit fieri & acceptari per Procura-  
torem, *Sanch. à num. 17. Castrop. p. 12. Dicast. n. 438.*  
aliisque passim.

Q. 95. *Si ad me dicas, adjuro te in virtute Dei, 346*  
*per nomen Dei, per salutem tuam &c, an teneas. R.*  
Vi adjurationis tuæ ad nihil teneor, quia non habes  
potestatem me obligandi, neque teneor acceptare  
illam interpositionem divinæ authoritatis, ita  
*Tamb. c. 8. §. 1. n. 3.*

## D U B I U M VI.

*Quibus casibus excusat ab impletione,  
qui in promissorio juramento obliga-  
tionem contraxit.*

R Esp. Tales casus præter ea, quæ ex superio- 347  
ribus colliguntur, à Tolet. & Cajet. recen-  
sentur isti: I. Si quod bonum erat tempore  
Juramenti, propter circumstantias, postea fiat  
illicet, vel vanum, vel impeditivū majoris boni, &  
vel

» vel melius sit omitti quām impleri. *Sanch. L.3.c.15.*  
 » II. Si Juramentum mutet in opus aliud aperie  
 » melius, & Deo gratius: id enim quisque per se  
 » potest, ut habet *Tolet. c.13.* Excipe tamen semper,  
 » si quid in hominis commodum jurâsses; nec enim  
 » Deus illum vult defraudari. III. Si notabiliter  
 » mutetur status rei; ut si v.g. jurâsses aliquem  
 » punire justâ punitione, is autem suppplex veniam  
 » peteret & ageret pœnitentiam, posset ei sinè peri-  
 » culo condonare; quia Juramentum obligabat  
 » servato eodem statu, in quo non pœniteret,  
 » *Laym. L.4.T.3.c.9.* IV. Si res jurata facta sit inutilis  
 » ad intentum, maximè si magis illius destructiva,  
 » ut si v.g. ex correctione impenitentis filii nota-  
 » retur is magis defruendus quām emendandus;  
 » aut si turbanda familia; fecuturæ rixæ cum  
 » uxore; & sic præstet non corriger, *Regin. Lib. 18.*  
 » n.56. *Bonac. T. 2. D.4. Q.1. P.14.* V. Si ita ferant  
 » conditiones illæ, quas in quovis promissorio  
 » Juramento tacite subintelligi natura & Doctores  
 » docent: tales autem sunt, ut *Lay. dicit L.4.T.3.c.9.*  
 » 1. Si potero, 2. Salvo Jure Superioris. 3. Nisi res  
 » notabiliter mutetur. 4. Nisi obligatio tollatur  
 » De quo sequens Dubium.

## A D D E N D A.

Q.96. Quandonam præterea sit excusatio à Juramento propter conditiones in Juramento inclusas.  
 348 R. §.1. Ob primam conditionem, si potero, Officialis, qui generaliter juraverit se procuraturū commoda sui Principis, & impediturum damna, non censetur voluisse Juramentum suum extendere ad omnia, non enim ita potest; & quamvis posset, non censemur intellectisse, nisi ea, quæ ad officium suum spectant, ita Leß. in Auct. V. *Restitutio. Cas. 15.*

§. 2. Ob secundam conditionem, *salvo Jure 349*  
*Superioris*, nullum Juramentū obligat ad aliquid,  
quod est contra Jus commune, Decreta Concilio-  
rum, Pontificum aut Superiorum, quia authoritas  
Superioris semper censetur excepta circa materiam  
illi subjectam, *Less. v. Religiosus. Cas. 5. & 15.*  
*Suar. L. 2. c. 20. n. 2. Castrop. d. 2. p. 8. à n. 2. Tamb. §. 5. n. 3,*  
ubi cum aliis docet, non tantum Ecclesiam, sed  
etiam Principes habere potestatem remittendi  
obligationem talium Juramentorum; possuntque  
præterea, ut ostendit *Castrop. p. 13. n. 2*, materiam  
antecedenter reddere ineptam Juramento, aut  
etiam jurantem reddere incapacē Juramenti, quod  
an factum sit, colligendū est ex dispositione Juris.

§. 3. Si Juramentum sit contra Leges civiles *350*  
prohibentes vel jubentes & latas pro communite-  
tate, non obligat, ita *Sanch. L. 3. c. 9. n. 29.* & alii  
communiter: imò etiamsi latæ essent in bonum  
privatorum tantum, & agere contra eas de se  
nè veniale quidem peccatum esset, tamen adhuc  
probabile est non obligare, quia contravenire illis  
redundaret in damnum publicum, ita *Castrop. n. 6.*  
contra *Sanch. n. 35. & c. 12. n. 44.* Si autem Leges illæ  
sint tantum permittentes teneris Juramento; hinc  
obligaris Usurario solvere pretium promissum  
pro mutuo, si jurâsti te soluturum, id enim Lex  
permittit, ita *Tamb. n. 42. & 44. Dicast. d. 3. n. 216.*  
citans plurimos, dicénsque esse certissimum,  
ex quo infert num. 257, etiam teneri te, si jurâsti,  
dare pecuniam latroni, licet injustè extorserit  
Juramentum: Quod si Leges prohibentes, tantum  
ideo prohiberent, quia præsumitur subesse fraus  
& injuria, si haec absint, Juramenta non censemun-  
tur esse contra Leges prohibentes, sed obligabunt,  
ita *Tamb. num. 48.*

§. 4.

<sup>351</sup> §. 4. Si Lex vel Superior solum actum jurand prohibeat ; materiam autem relinquat aptam & jurantem capacem ad jurandum , si jure facit quidem illicite, atramen valide, hinc obligatur, non aliter, ac si quis jurasset se non juraturum & nihilominus postea juraret, *Sanch. c.12. num. 3*. *Tamb. num. 4.*

<sup>352</sup> §. 5. Tertia conditio est , nisi res notabiliter mutetur , tum autem res notabiliter mutatur inquit *Gob. T. II. n. 503*, quando tanta fit mutatio quanta sufficeret ad revocandam promissionem non juratam , quia Juramentum regulatum secundum conditiones & qualitates actus, cui adjicitur, ut dictum est n.315. & latè probant *Suar. c.3.* *Sanch. de Matr. L. 1. d. 52* ; excipe, nisi quis apponat Juramentum , quo velit includi conditiones alioqui exclusas, aut excludi solitas includi, ita *Lef. Addunt Gom. Sanch. Castrop. Ills. T. 5. n. 74*, si finis deficeret, vel oppositum fieret utilius ad finem deficere obligationem , quia videtur includi hæc conditio, si ejus executio sit utilis, vel omissione non sit utilior ad finem intentum.

<sup>353</sup> §. 6. Ob quartam conditionem, nisi obligatio tollatur, plurima Juramenta cessant, v.g. Parentum vel Dominorum de puniendis filiis aut servis; item puerorum de accusando Condiscipulo ; item Nobilium de non præveniendo in egressu vel ingressu, nam vel ab initio non obligant, quia sapientia intentio jurandi, estque tantum comminatio; saepe etiam sunt de re inutili , atque etiam inde facilè excusantur, tum quia frequenter sunt ex ira vel passione, animoque vindictæ, & tū sic sunt de re venialiter saltem mala, tum ob alias causas, quas hic refert *Busenbaum*, ita post alios *Gob. n. 51.*

De cetero si v. g. punitio vel accusatio jurata cederet in Dei obsequium vel commodum tertii, nec similis causa excusaret, omnino obligarent talia Juramenta.

## D U B I U M VII.

*Quomodo obligatio Juramenti tollatur per irritationem, dispensationem, commutationem & remissionem,*

**R**esp. De hoc ex conditionibus Dub. VI. in fine cc 354 positis & potestate Superiorum in suos ac cc suorum vota, Laym. L. 4. T. 3. c. 11. & alii cc communiter hæc tradunt.

I. Quod spectat ad irritationem. Irritare & cc annullare potest Juramentum omnis is Superior, cc Maritus, aut Dominus, qui & quomodo irritare potest suorum vota. Sanch. L. 3. c. 19. num. 7. cc Suar. Azor, Fill. L. 25. c. 9. q. 9. Vid. Caput seq. cc

II. Posunt & iidem irritare Juramenta promissoria facta in gratiam hominis, quotiescumque ipsam promissionem seu contractum infirmare cc iis concessum est.

III. Quoad dispensationem ; quicunque habet & potestatem ordinariam vel delegatam, vel & privilegium disponendi in votis, potest in iidem dispensare, etiamsi jurata sint.

IV. Quoad commutationem ; eadem est ratio, & quæ de dispensatione.

V. Quod attinet ad remissionem, sive relaxationem ; Juramentum factum in favorem hominis non potest relaxari, nisi ab eo, cui factum est, & aut cui is & promissa materia subjecta est. cc

VI.

" VI. Et is quidem potest remittere, et si talis favor  
 " ei juratus eset propter D E U M ; v. g. si quis  
 " propter Deum jurasset pauperculæ eam ducere,  
 " potest ipsa Juramentum illud relaxare, ut habeat  
 " Navar. & alii contra Sotum & Sylv, quia  
 " licet Juramentum principaliter factum sit  
 " propter Deum, quia tamen executio est in favori  
 " hominis, ab hominis etiam voluntate dependet.  
 " VII. An etiam civilis potestas relaxare possit  
 " Juramenta suorum subditorum in tempora-  
 " libus, quando justa causa subest, v. g. quia metu  
 " vel per aliam injuriam extorta sunt, contro-  
 " vertitur : Alii negant, alii ajunt, apud Laym.  
 " Probabile est, quod docet Sanch. L. 3. c. 12.  
 " cum Suar. non posse relaxare directè, sicut  
 " potestas Ecclesiastica, quando dispensat, sed  
 " tantum indirectè, v. g. ratione materiæ; vel  
 " supplendo vicem ejus, cui juratum est, & qui  
 " remittere debebat. Plura ad forum externum  
 " spectantia circa Juramentum vid. apud Laym.  
 " supra Cap. II. Bonac. d. 4. q. 1. p. 17.

## A D D E N D A.

353 Q. 97. Quid circa illas deobligationes Juramenti  
 fit præterea advertendum. R. Seqq. §. 1. Docent AA.  
 gravissimi cum Moy. T. 2. d. 1. q. 3. Illsung T. 5. n. 70.  
 Sanch. de Matr. L. S. d. 2. n. 18. Castrop. P. II. ante n. 1.  
 Tamb. c. 7. §. 3. n. II. Gob. n. 508. Belleg. p. 3. Sect. 12. q. 1.  
 Juramenta quibus nullum Jus homini acquiritur,  
 habere rationem voti, ideoque posse, sicuti vota  
 dispensari vel commutari. Vide dicenda num. 355.

356 §. 2. Juramenta, quibus vendentes jurant  
 non vendere minori, vel ementes non emere  
 majori pretio, secundum Tamb. L. 3. c. 3. §. 5. num. 49,  
 non obligant, quia sunt de re prorsus indifferentes  
 non in honorem Dei vel utilitatem Proximi.

sed propriam tantum : inde infert, licet obligarent,  
 hanc obligationem posse quemque sibi remittere,  
 nam §.2. n.5. docuerat cum Tancr : si quis in suum  
 commodum aliquid jurasset, v. g. ire Romam  
 ad accipiendam sibi pecuniam , posse sibi ipsi  
 remittere hoc Juramentum; sed quoad hoc postre-  
 num merito contradicunt Abbas, Suar.c.12.n.24.  
*Illi*.n.74,nam ideo potest remittere aliis, in cuius  
 favorem est juratum, quia Juramentum includit  
 conditionem, si alter voluerit, hoc autem non est,  
 si quis in utilitatem suam juraverit, quia diceret,  
*Testor Deum me hoc facturum, si facere voluero,*  
 quod eset nugatorium,& contra finem Juramenti,  
 quo quivis vult stabilire voluntatem suam ,  
 ut non liceat pro libitu velle oppositum.

§. 3. Docent aliqui, licet votum v.g. Castitatis 357  
 sit reservatum , non ideo reservatum esse Jura-  
 mentum de castitate servanda, sed de hac sententia  
 postea feremus judicium num. 555.

§. 4. Licet Juramentum sit factum principaliter 358  
 propter Dei cultum & honorem, si tamen cedat  
 in utilitatem hominis , à quo sit acceptatum,  
 non potest dispensari vel commutari sine hujus  
 consensu, uti præter Busenb. tenent Tab. Arm. Sayr.  
*Lop. Vivald. Suar. Sanch. Leß. Escob. Malder. Dian.*  
*Mendo*, quos citant & sequuntur *Lug. de Just. d. 23.*  
*n. 94. & Moya q. 2. n. 3. q. 5. n. 6;* & postea in simili  
 dicetur de voto à n.532, quæ intellige, si illi tertio  
 per suam acceptationē sit Jus aliquod acquisitum,  
 uti ibi explicabitur : Si tamen talis jurans fuisse  
 impubes, posset ejus Juramentum irritari, uti recte  
*Leß. L.2.de Just.c.17.n.51*, & colligetur ex dicendis  
 num.488. E contrà, si homo ille remittat, desinet  
 obligatio, etiam si esset ad causam piam, uti etiam  
 docent præter Busenb. Sanch.de Matrim.L.1.D.52.

& hic L.3.c.20.n.7.Tamb.c.7.§.2, quod Gobat n.500 dicit esse practicè tutum : Nec obstat, quod opponit Suar. L.2. c.39. num.8, nempe hominem non possedere Juri, quod acquisivit Deus, ergo tantum poterit reddere pecuniam, postquam ex vi Juramenti acceptaverit, nam contra est, quod Jus Dei habeat essentialem dependentiam à voluntate hominis, cui juratum est, non enim volebat se obligare Deo, si homo recusaret vel remitteret, ergo si homo remittat, desinit Jus Dei. Vide p.2. n.74.

359 §.5. Si Juramentum interponatur de non petendi dispensatione vel relaxatione Juramenti, communis est sententia, quod tale Juramentum sit invalidum, quia quando est causa petendi (peti autem non potest sine causa) utilius & melius est peti quam non peti; hinc illud ultimum Juramentum tantum erit confirmatio prioris, in Covar. Az. Dian. P. II. T. 2. R. 35. Sanch. hic L. 4. c. 8. n. 11 contradicunt tamen etiam probabiliter SHA de voto L.2.c.11.n.6. Et Castrop. T.15.D.1.P.8.§.5.n.11

## C A P U T III.

### *De voto.*

## D U B I U M I.

*Quid sit votum & quotuplex.*

» **R** Eſp. I. Est promissio facta Deo, deliberata de bono possibili, & meliore. D.Th. 2.2.q.5.  
» v. Sanch. & Laym. L. 4. T. 4. Unde patet  
» quod Votum sit actus latrize soli Deo debitus

Qua